

PER-JAKEZ HÉLIAS

**MEVEL
ar
GOSKER**

TREDE MOULLADUR

Brud Nevez

1979

BRUD NEVEZ

25 juli 1979 met de voorbereiding

1979-07-26 11.22.1

450,00 m² 1.5.1.1.3.1

2001 beklaagd over 10000,- te betrekken dat verloed
, uitvoerend de weg tussen de 2031
, zover lang en breed van de bestaande bush

1979-07-26 11.22.1

wordt nu moeten staan

wordt nu voorgesteld

te gebruiken te goed ontstaan door de dijk te ver

verhoogd te doen van de

2-123 "KLEIN KOMM" en "HEDDENDAEL" 1979-07-26
, nr.8609

aangetoond dat de "KLEIN KOMM" en "HEDDENDAEL" 1979-07-26

1979

BRUD NEVEZ

Stagadenn d'an niverenn 25

I.S.S.N.: nn0399-7014

C.P.P.A.P.: nn 34.627

Diskleriet hervez al lezenn: trede trimiziad 1979

Moullet ez-prevez gand ar gelaouenn.

C. gand Per-Jakez Helias ha Brud nevez.

BRUD NEVEZ:

10 niverenn ar bloaz:

Koumanant: 50 Lur.

30 Lur evid ar studierien hag ar zoudarded

25 Lur evid al liseaned.

Da gas, dre chekenn bost, da "BRUD NEVEZ" KRP 893-94

Roazon,

pe dre chekenn-vank da "BRUD NEVEZ", 6 ru Beaumarchais,

29200, BREST.

Ar rener: A. MERSER.

EVAK FURK

**MEVEL
AR
GOSKER**

Dorjeed an ouj les.
douc arvest ha setz pench
eidi doeo hent deva-eaud
diadur un heol.

Per Helias

**Mevel
ar
Goskêr**

BRUD NEVEZ

Expedi en 1979

1979

MEVEL AR GOSKER

Darvoud en eul leh,
daou arvest ha sez person
evid daou hant devez-arad
dindan an heol.

gand

Per HELIAS

BRUD NEVEZ
trede moulladur
1979

Da Roger KERVRAN

Maisons-Laffitte, 29 a viz ebrel 1960.

Da c'hoarierien Groñvel

Kenvroiz ker,

Kelou zo deut-din amañ diwar-benn ar gouel ho-peus savet e Groñvel gand « Mevel ar Gosker ». N'on ket souezet o klevet kemend-all, dre me ouzon mad ez eus ahanoh tud a galon, a spred hag a youl kreñv, Bretoned a ouenn ha gwriennet stard. Hogen enoret on bet ganeoh, eur wech adarre, ha red eo din trugarekaad ahanoh oll. Petra bennag a c'hoarvezo gand ma oberou diwezatoh, ha pa vefent c'hoariet war al leuriou braz, er hèriou, gand komediañcherien a vicher, birviken n'em-bo brasoh plijadur eged an hini a zo deut din euz ho perz. Abalamour ez om kenvroiz, keneiled, ha breudeur koulz lavared, pôtrede a ziwar ar mèz, tud hag a oar penaaz e vez tizet ar mel a-dreuz ar hig hag ar hrohenn.

En amzer hirio, peb hini a deh dirag al labour hag ar boan, peb hini a skarz war an tu an ésa. C'hwi, kavet ho-peus an tu (hag an amzer, daoust ma 'z oh dalhet evel an oll gand ho para pemdezieg) da brederia ka da zeski en ho yez evid displega dirag Groñveliz, eun doare testeni hag a zo savet war on danvez gwirion.

Eun druez eo evidon pa n'am-eus ket gellet kleved ahanoh o tigas buhez e seiz person ma c'hoari, rag dalhet am-eus em eñvor an dudi hag an esmae ho-poa lakeet em halon an nozvez ma oa bet c'hoariet ganeoh « Sorser Gouel Yann », da vare Skol-Hañv « Ar Falz », e Groñvel, daou vloaz hanter a zo. War leor « Mevel ar Gosker », hag a zo bremañ dindan ar wask, hoh anoiou hag ho prud a vo mouplet da heul an talbenn evid rei da houzoud d'on bugale pegen skler, pegen splann, pegen skeduz e talh da zevi hoaz, en hoh eneou, tantad milvoazieg c'hoariva ar bobl e Breiz.

Gand ma anaoudegez vad ha ma gourhemennou, a greiz kalon.

Per HELIAS.

An oberenn-mañ a zo bet savet e brezoneg evid Radio-Kimerh. Hogan, n'eus ket bet kavet tu d'he hoari penn-da-benn, beteg-henn, dre m'eo te striz an amzer roet d'an abadenn. Eun droidigez e galleg, LE GRAND VALET, aozet gand Per Helias, a zo bet klevet war Skingomz Bro-Hall ha c'hoariet ouspenn gand « la Comédie de l'Ouest » a ratoz-kaer evid studierien ar Skol-Veur, e Roazon, an 11 kerzu 1958. Troet eo bet iveau MEVEL AR GOSKER en alamaneg evid Skingomz ar broiou a ra gand ar yez-se.

C'hoariet eo bet e brezoneg MEVEL AR GOSKER evid ar wech kenta d'ar zadorn 23 a viz ebreli 1960 e sal-goueliou Skol ar baotred, e GRONVEL (Bro-Gerne) gand c'hoarierien Strollad Emgleo laik Groñvel, dindan renerez Andreo AR MERSER.

Marie CANEVET ob ober ...	GOD
Eliane LE SAUX	MARIA
Roger LE GUENNEC	JAKEZ
Auguste LE COENT	YANN
Henri MORVAN	LANN ha BAN
Germain QUILTU	LOEIZ

Arvest Kenta

TUD AR CHOARI

JAKEZ MAZO, ar mevel braz	war dro	30	vloaz
YANN GONAN, mestr ar Gosker, lesanvet Yann an Aotrou	>	60	>
LOEIZ KERHOR, mab Lanroz	>	25	>
BAN KERHOR, mestr Lanroz	>	62	>
LAN AR POGAM	>	28	>
GOD AR GOSKER, an eil verb	>	22	>
MARIA AR GOSKER, ar verb hena	>	25	>

Arvest kenta

Emer e sal-voutin eur maner koz deut etre daouarn kouerien ha troet da veza eur mell stal labourad-douar. Eur ziminal vén, savet uhel, warñi eur skoed dallet a daoliou mailh. Pezioù irhiet ouz ar mogeriou hag eun dól hir-hir, bankeier penn-da-benn ganti. Eur plah yaouank, digened he dreumm ha kann eur disterra, a ya hag a zeu gand an torch euz an eil annezez d'egile. Et-méz, war eun taol, e tarz chalpadenn eur hi tagnouz.

God

Piou a hell dont war an tu-mañ ? (mond a ra da zelled dre ar prenest) Ma Doue ! Loeiz Kerhor. Ha me en zavañicher koton hoaz, war-greiz a zul ! Ma zamm bleo ! Da beleh eo eet ar hribou ! Maria, ar jevrenn-ze, he-deus riñset anezo ganti en he chakotou (1). Me a lazfe honnez, sell. N'eus forz!

War dreuzou an nor digor, e teu I
mell korv den ampatfal, nehet awalh.

LOEIZ

C'bwi 'ni a zo aze, God !

God

Sell ta pion | Lociz Kerhor. Me 'ni eo, ya. Deuit tre.

LOEIZ

Ne'z an ket da zirenka abanoh. E oan dres o vale war an tu-
mañ, peogwir emañ ar zul warnom. Ha setu savet eur zoñj em fenn:
mond a ran beteg ar Gosker-Vraz, da weled doare al labouriou, kea.

GOD

Feiz Doue ya. Taolit ho pouez war ar bank. Amzer ho-peus.
Ar zul a zo.

(1) Godellou.

LOEIZ

N'on ket skuiz. God. Red-mad e veze din distrei d'ar gêr d'ober war-dro al loened.

GOD

Tud awalh emoh du-hont. Unan bennag en em gavo evid soursial outo.

LOEIZ

Ne garan ket leuskel ma lodenn d'ober gand ar re-all.

GOD

An heol a zo uhel hoaz. Eur bannig traou a rajo vad deoh.

LOEIZ

N'em-eus ket sehed.

GOD

Eun disterra sehed a vez atao, dreist-oll war lanchenn ar wazed. Ahanta, ne jomoh ket en ho sav, koulskoude. Peotramant ne dalvezet ket deoh dont e-barz.

LOEIZ

Evid senti ouzoh, neuze (azeza ra, war geuz). N'eus den all ebed en ti?

GOD

N'ouzon ket re. Jakez, ar mevel braz, n'emañ ket pell, moarvad.

LOEIZ

Moarvad. Hennez ne zilez biskoaz ar Gosker-Vraz. Pa n'emañ ket er marchosi, e c'hoari tro ar parkeier. gand e zilhad sul, ob evesaad ouz an douar e go hag ouz ar greun o vrouda. Aze emañ e blijadur gantañ. Bez e veze perhenn d'ar Gosker-Vraz ha ne rafe netra muioh. Ar gwella mevel er horn-bro. Yehed deoh, God !

GOD

Yehed deoh ! (Eva ra Loeiz. Peoh, eur boutadig.)

LOEIZ

Kaer a vo lavared, eur banne gwin ne ra ket droug. Paka a reer sehed, m'hen tou, o troiata diec an tachennoù p'emaient o blaza (diskenn a ra eul lonkadenn all). Marteze ho c'hoar Maria a zo eet d'ar gousperou ?

GOD (seh an tamm outi)

Nann. O tiwall ar zaout emañ-hi. D'he zro eo hirio.

LOEIZ

Mad tre !

GOD

Petra ho-peus d'ober gand ma hoar Maria ?

LOEIZ (buau)

Netra. Netra grenn. Evid boueta kaoz oa ken. Hag ho tad ?

GOD

An tad a zo er vourh. Eun ezomm bennag da vond d'an tigovel. Moarvad eo staget bremañ gand e daol-kartou, en ostaliri. aaraog distrei d'ar gêr. Boazet eo.

LOEIZ (nehet)

Mad, mad-tre. Neuze. God, mond a ran da gemer penn-hent ar gêr.

GOD

Na pegemend a brez, ta ! Chomit da gaozeal eun nebeudig. Loeiz. Eun tamm a yelo ganeoh.

LOEIZ

Nann, nann ! En an' Doue, na lakin netra war an dôl. N'em-eus ket naon.

GOD

Eur werennad all, neuze. N'eo ket re evid eur gwaz e-giztoh.

LOEIZ

Awalh am-eus evet. N'on ket re vestr war ar boeson.

GOD

Evid hasta kuit ken buan, marteze ho-peus aon da jom penn-ouz-penn ganin ?

LOEIZ

Aon n'am-eus ket. Evel just, gwelloh e kavfen ma veze ho c'hoar iveau.

GOD (fuloret)

Sellit ouz ar pichon-mañ ! Abalamour ma hoar a zo kalz koantoh egardon, n'eo ket ?

LOEIZ (diéz dezañ)

Kemend-se ne oa ket em menoz. Ho c'hoar pe Jakez, ne vern piou. Hag ho tad kenkoulz, daoust ha ma pakon aon bras rag hennez. N'eo ket deread d'eur pôtr yaouank chom e-giz-se, e-unan kaer. gand eur plah yaouank en he zi. Tro d'an dud da flipad. Et-mêz ne lavaran ket, dindan an heol ha lagad an oll. Lezit ahanon da vond. God.

GOD

Loeiz Kerhor, marteze n'eo ket echu ganeoh dena bronn digand
ho mamm ?

LOEIZ

Med, God, perag...

GOD

Abalamour e anavezan re all ha ne 'z afent ket da glask an
digareziou-ze. A ya, feiz ! Lan ar Pogam, sellit, heb mond pelloh.
Hennez a oar bpered ober a-zoare gand ar merhed, ha dre domm
hoaz, heb goulenn muioh.

LOEIZ (abafet)

Ha petra rafe ar Pogam ?

GOD

Eun all egedoh a oufe mad. Ha din-me eo da zeski deoh ?

LOEIZ

Komzou iskiz a glevan diganeoh, hirio. Eun derzienn bennag...

GOD

An derzienn, ma kar deoh. Ha c'hwi, Loeiz, ma vijeh bet
dizaon awalh da zelled ouz eur vaouez e-giz ma tere...

LOEIZ

Ho c'hoar a zistroio bremäig, gand he zaout.

GOD

Ma hoar adarre ! N'eo ket gand ma hoar emoh amañ, heb
kristen ebed da weled na da glevet ahano. Marteze n'on ket merh
vrao awalh evid rei c'hoant d'eur gwaz da jom e-unan-penn ganin.
Loeiz Kerhor ? Ahanta ?

LOEIZ

Heñvel mad oh ouz ar re-all.

GOD

Heñvel ouz ar re-all ! Med ma hoar Maria n'eo ket
heñvel ouz ar re-all, hañ ! Dirazi e veve distagellet ho teod diouztu.
Ha warnoh eo e kouezfe an derzienn.

LOEIZ

Divergont ma 'z oh ! E peleh e kavit seurt sotoniou ?

GOD

Poan gollet, Loeiz. Maria n'eo ket evid eun den e-giztoh.

Gand Maria en un gant LOEIZ

Klevet ho-peus diganti ?

GOD

Gouzoud a ran. Ha c'hwi a oufe iveau, ma hellfch kleved skler.
(Kemma ra he mouez.) Ni on-dau, avad, ez eus ennom danvez daou
bar. Ha me a dalvez ma hoat, c'hwi a welo.

LOEIZ

Dispegit diouzin !

GOD

Petra muioh he-deus egedon ? He dremm koant bag he fichez.
Disterachou ! Hogen, ma reer ouz ar horv, n'em-eus ket mez da
gaoud dirazi. Gwelet em-eus anezi e noaz.

LOEIZ

Kollet ganeoh ho skiant vad ? Emoh koulz bag ar merhed a ra
micher d'en em ginnig d'ar bôtred, er hériou.

GOD

Me, avad, n'en em werzan ket. Ha deoh hebken en em ginnigan,
ganeoh hebken e komzan heb mez ebed.

Kleved a reer unan bennag, er-mêz, o c'hwitellad eur

zon.

LOEIZ

Bezit war evez ! Setu ar mevel braz.

God a bella diouzañ bag a gemer eun torchouer.

GOD

Dalhit soñj, koulskoude. Loeiz Kerhor. Eur wech ho-po diluziet
ar gudenn en ho penn, c'hwi a zistroio war ma zu.

2

At mevel braz a zeu tre.

GOD

Echu ho tro ganeoh, Jakez ! Brao a ra, kea.

JAKEZ

Ya.

GOD

Bez emañ c'hwez ar glaz war ar parkeier ?

JAKEZ

Eun disterra glao a rafe vad, goude ar reo.

LOEIZ

Gwir. Re zeh an amzer.

JAKEZ

Med c'hwi, Loeiz, emañ an dour-pilh warnoh. O reded warlerh piou?

GOD

Diskargit eur banne dezañ, Jakez. Gwall skoulmet eo gantañ e gorzailhenn. Ha kemerit eur werenn iveau. Me a lezo ar voutailh ganeoh.

JAKEZ

Ne jomit ket ?

GOD

Ha piou a zreso ar gouzer dindan ar zaout ? C'hwi, marteze ?

JAKEZ

Penaoz ta ! N'eo ket dreset dindan ar zaout ?

GOD

E peleh e lakit ho fri, pôtr ! Tu ar merhed 'ni eo, nann ! Kerzit da weled d'ar marchosi !

JAKEZ

Gwelet am-eus pell-zo. Me lavar penaoz, en eun ti a zoare, e vije bet fresket ar gouzer ha kerbet ar zaout, d'an eur-mañ.

GOD

Hag abaoe pezavare ob deut da vestr, Jakez Mazo, beteg prezeg war an ton braz ?

JAKEZ

N'on ket kalz a dra, m'hen goar mad. Hag araog pell, 'm-eus aon, e vin nebeutoh hoaz.

GOD

Ha setu aze! C'hwi, ar wazed, eo diêz-tre kavoud ar giz vad d'ober ganeoh.

Mond a ra kuit, o stlaka an nor war he zeulioù.

3

LOEIZ

Ma, Jakez, laouen braz on bet pa 'z ob deut. Ne oan ket mad em hrohenn, ma-unan dirag God.

JAKEZ

Gand Maria en em gavit gwelloh.

LOEIZ

Biskoaz n'eo digouezet ganin chom ma-unan-penn gand Maria. Atao emañ ar God-se etrezom.

JAKEZ

Hirio, koulskoude, ma vije savet en ho spered diskenn da Bark ar Stankou, ho-piye kavet anezzi heh-unan gand he zaout.

LOEIZ

Gand he zaout, ya, ha tri bôtr yaouank o sikour anezzi da dre-men he amzer. Klevet am-eus anezo, a-bell, o c'hoarzin. Ha klevet dreist-oll he hoarz dezi, ken e lamm ma balon gantañ. N'on ket eet beteg du-hont. Da betra dalvez ! Ne vin ket gouest da denna diouti eur bomm c'hoarz, unan hebken.

JAKEZ

Arabad gortoz ahanon da zeski deoh. Barrekoh on da doulla eun ero eeun-tenn egod da lakaad ar merhed da hoarzin. Perag, ous-penn, e kollfen ma buhez evid kemend-se. N'eo ket ar c'hoarz a vern, pez a zeu goude ne lavaran ket. Hogen, evid mond pelloh, gand ar pennherezed, atao eun nebeud deveziou-arad a raio diouer da vab ma zad, bag eun ano kér (1) warlerh e ano badiziant.

LOEIZ

An douar n'eo ket peb tra. Ahendall, ne vijen ket bet nehet. N'em-eus ket, avad, eun teod prim awalh, ne gavan ket ar homzou mad da lubani ar merhed. Gwasoh hoaz, p'emon e-kichen Maria, ne gavan komz ebed. Marteze, ma chomfem pellig awalh an eil gand egile... Med, pa n'emañ ket hi gand he hoar, e vez daou bôtr, d'an nebeuta, endro d'he lostenn.

JAKEZ

Gwelloh tra evidoh egod ma ne vefe nemed unan.

LOEIZ

N'ouzon ket re vad. Digemer brao a ra d'an oll. Penaoz gouzoud petra zo ganti dindan he huchenn-vleo? Ma kemerfe kraon digand unan bennag, d'an nebeuta, e oufen evid piou lemma ma hontell.

(1) Stal labourad-douar.

JAKEZ

Marh sod ! N'emañ ket mad ho penn ganeoh, Loeiz Kerhor !
Leuskit pôtred ar hêriou da verka o ano er gazetenn abalamour d'eur plah.

LOEIZ

Honnez on kouezet klañv ganti, Jakez Mazo. N'ouzon ket penaoz eo c'hoarvezet an taol na ne ouezin birviken. Me e oa ouzon mab eur gêr vraz, heñvel ouz kalz re-all, parfed d'e labour ha douget da wellaad e beadra. A-viskoaz e anavezen Maria ha ne reen ket nebeutoh goap outi eged ouz ar merhed all. Beteg eun devez, er bloaz tremenet, m'on deut da weled anezi evid mad d'ar henta gwech... Gant eur barrad lubed on bet treuzer beteg ma zeulioù. Bremañ... c'hwi a gomprezo, Jakez : kollet eo ganin blaz an douar, kollet e c'hwez. Pemon oh arad, da houlou-deiz, dirag ar voudenn zruz o vogedi war skouarn an alar, n'em-eus c'hoant ebed da gana ken. Ma ne bakan ket ar Varia-ze da wreg, me a zo eun den echu.

JAKEZ

Taget eur gand kleñvejou a beb seurt. Hoh hini deoh a zo kaled awalh. Med, e-leh diazeza bo korvad poan e tlefeth gouleñn digand Maria ha kared a rafe ho kemer da waz.

LOEIZ

Aon am-eus. Ma lavarfe nann, ken diboell ez on bremañ, e vefen gouest d'he laza war an taol.

JAKEZ

Ha perag ne gasfe ket ho tad ar gouleñn, hervez giz ar re goz ! Pinvidig e vioh. Ar Gerhored a hoari par ouz par gand re ar Gosker-Vraz. Ra vo renket an traou etre ho tad ha hini Maria, ta ! Eur wech ma lavar an tad ya, war an tu-mañ, n'eo ket boazet ar verh da lavarde nann.

LOEIZ (spi ennañ)

War ho meno, Jakez ? Gwir evidoh ? Aon am-oo... Eur plah had ebed ha na heller marhata, pa vez c'hoant. Moarvard e ranko skarza ho tad e tres (1), rag ar mestr, amañ, a gas rik d'o friz ken-koulz e zouar hag e verh.

(1) Armel.

LOEIZ

Ma zad a roio pez a hell dioueri. Displeget skler em-eus dezañ ma doare. Aon e-neus ne gouezfen sod da staga. C'hwi anavez an dud : eur penn-sod, en eur familh, a zo awalh da goll dezi he stad er barrez ha pelloh.

JAKEZ

Ma tiouer ho tad kemend a zo red, ar bennherez a vo deoh.

LOEIZ

An noz-mañ e tevio.

JAKEZ

Piou a zeuio, an noz-mañ ?

LOEIZ

Ma zad. Dont a raio da houllenn e verh gosa digand Yann Gonan evidon. Evidon-me ! Fiziañs ho-peus iveau, Jakez Mazo ?

JAKEZ

Fiziañs am-eus, ya, ya. (Predieriet) Diouztu an noz-mañ.

LOEIZ

Selaouit, Jakez. Pa vin deut da vab-kaer amañ, ne vo kavet mevel braz ebed er vro eürusoh egedoh.

JAKEZ

Marteze awalh, Loeiz Kerhor.

LOEIZ

C'hwi an hini a oan deut da weled, hirio, er Gosker-Vraz. Eun dra bennag am-eus da houllenn diganeoh.

JAKEZ

Gouleñnit tal

LOEIZ

Kousked a rit hoaz a-uz d'ar marchosi ?

JAKEZ

Aze emañ gwele ar mevel braz.

LOEIZ (an derzienn warnañ)

Ne fell ket din mond kuit ahann. Ne badin ket er gêr, o hor-toz ar helou. Leuskit ahanon da bignad en ho kambr ha da jom eno beteg ma teufed... da lavarde din...

JAKEZ

Diouztu?

LOEIZ

Diouztu.

JAKEZ

Re abred eo hoaz. Ho tad ne zeuio ket araog an noz teñval.
Amzer ho-peus da vond da zebri eun tamm ha da zistrei.

LOEIZ

N'ez afe ket ganin eun disterra d'an traon. Aon am-eus ne
hoarvez tra pe dra en eneb.

JAKEZ

Mad. Dalit an alhwetz.

LOEIZ

Eun danvez mad a zen a zo ennoh, Jakez. Emon o vond.

JAKEZ

Selaouit ! Kleved a ran klouedenn ar porz o wigourad. Ar
mestr o tistrei d'ar gêr. Gorroz a rit anezañ?

LOEIZ (pennfollet)

Nann, nann! Ne fell ket din gweled ar mestr, bremañ.

JAKEZ

Red e vo deoh en em voaza outañ.

LOEIZ

Diwezatoh. Dre beleh ez an er-mêz ?

JAKEZ

Treuzit ar breier!

LOEIZ

Nann. N'ez in ket a-dreuz ar breier. God a zo war-dro ar
gouzer.

JAKEZ

Petra ra deoh kemer aon rag God ?

LOEIZ

Ne anzavin ket, Jakez. Da zen ganet ebed. Traou a zo hag
e ranker kloza warno.

JAKEZ

Buan! Pignit d'ar zolier. kerzit penn-da-benn a-dreuz, da zis-
kenn gand an diri mén, e-tal an ti.

Dres p'emañ Loeiz o skarza kuit, God a zigor
dor ar breier hag a wel anezañ o tehoud.

4

GOD

O vond da beleh emañ?

JAKEZ

D'ar gêr, d'an daoulamm ruz. Ha dre ziadrenv hoaz. Gouzoud
a rit e-neus aon du rag ar mestr.

Yann Gonan, mestr ar Gosker, a zeu en ti.
Ouz e weled, emañ war e du mad.

5

YANN

Sell ta! Gwer war an dôl! Tud a zo bet?

GOD

N'eus ket. Me ni am-eus evet eul lonkadenn gand Jakez. Eun
tammig sehed am oa.

YANN

« Gand ar wreg p'emañ c'hwez ar gwin,
An ti a dro war an tu gin ».

a gonte ar re-goz. (C'hoarzin a ra.) Arsa, gonezet am-eus adarre
arhant-butun ma zizun o c'hoari trikon gand ar vourhizien. Ar
re-ze, kouskoude, a zo boazetoh egedon ha finnou tud a gredont
beza. Med petra! N'ouzon ket mui chom peoh ha kemer o amzer.
Eur wech o-deus evet eur chopinadig, pe war-dro, setu n'hanont mui
da gonta o flip-flop, e-giz ar merbed en-dro d'eur podad kafe. Gand
daou-wennegad furnez, ha nemed kartennou gwenn leun an daouarn,
e beller dastum o skoejou brao-tre, pa uezzer ober ganti (c'hoarzin
a ra adarre. Peoh). Kollet ho-peus ho teod, c'hwí ho-taou? E peleh
emañ ar zaout ?

GOD

Maria n'eo ket deut hoaz d'ar gêr. Gouzoud a ra tenna war
he amzer, honnez. Med an daou-wennegad furnez a ra diouer dezi,
'm-eus aon.

YANN

Red e vo din kaozel ganti, eur wech da vad. P'emañ al loened
war he hont, d'ar zul, e vez atao ar memes tra : n'he-deus ket soñj
d'o digas d'ar gêr er mare mad.

GOD (trenk an tamm outi)

Nann. Ha goude, goro ar zaout a zo eun diaoulez a vicher. N'eo ket eun eston, pa 'z int dihabask gand o zez re leun. Hag an dud a gav digarez da lavared, pa glevont o vlejal en noz : « Saout ar Gosker-Vraz a zo chomet er-mêz adarre, gand Maria. » Hag e hejont o diskaoz. Awalh da ruzia ho fas, Yann Gonan.

YANN (imor ennañ)

Eun devez bennag, honnez a bako diganin eur zarmoun person kanton. Lezit an traou da gas, hardiz ! Paka a raio he stal.

GOD

Me garfe kleved ar zarmoun-ze. Da brometi oh mad.

YANN (c'hoarzin a ra)

Ha c'bwi a zo taget a warizi, ma merh. Petra ta ! Ho c'hoar a zo eur jevrenn goant. Ar bôtred n'o-deus ket awalh a zaoulagad da zelled outi.

GOD

Na hi awalh deuz he re da wilha dezo. He zaout, avad, ne bakont ket eur-zell diganti.

YANN

N'ez an ket d'en em jala evid Maria. Gouzoud a ra mad-tre petra a glask.

GOD

N'ouzon ket petra a hello ober gand Lan ar Pogam.

YANN

Ar pôtr-a-netra-ze ! Gweled ho-peus anezañ ganti ?

GOD

Hirio diweza.

YANN

Penn skodenn ma 'z eo ! Darempleti eur seurt teileg a zen. Divennet am oa outi koulskoude. Hag eñ ! Dizoñjet eo penaooz e dad a oa demdost eur blasket-bara ! Diwar aluzenn an dud amañ ez eo bet dalbet er skolioù, ar hañfard Lan. Ha bremañ, war zigarez e-neus paket e vreved, an aotrou a zo penn braz, war e veno. Ampart en e gaoziou, e vleo rodelleg, gwisket e mod nevez ar hêriou, kredi a ra ez eo awalh kemend-se da dostaad ouz merh ar Gosker-Vraz, merh hena Yann Gonan, lesanvet Yann an Aotrou ! Med n'eus gantañ nemed e deod da zanvez oll. Seiz kant gurun ! Ma kouezan-warnañ...

GOD

O, n'e-neus ket aon dirazoh !

YANN

Ober a raio peoh, homañ ! Eun devez a vo ma tarzo gand an avi abalamour he hoar a dalvez deg gwech kemend ha hi, ha ne lavaran ket hebken evid ar goantiz. Emoh dalhmad o spia warni, o bortoz anezi da strebotti eun disterra evid bounta warni da gouenza. N'ho-peus ket mez ! Med ho c'hoar a zo plah fin, kerzit ta ! Pa weler anezi oh ober eun dra bennag, e heller beza asur he-deus predieret piz en araog. Ha sellit ! Ne vefen ket estonet e tedennfe Lan ar Pogam a-ratoz kaer evid flemma e ler d'eun all, evid brouda anezañ d'ober e houllenn buannah. Ya, ha gouzoud a ran, d'am meno, piou eo hennez all. Awalh da hoarzin leiz ar horv.

C'hoarzin a ra. An daou all ne rannont grik ebed.

GOD (erfin)

Ha piou ?

YANN

N'on ket eur vaouez. Me oar derhel ma zeod ganin. Med selauoit ! N'ho-po ket amzer da gouenza klanv araog gouzoud.

C'hoarzin a ra adarre, gwasoh hoaz.

JAKEZ (yen)

Mestr !

YANN

Petra zo ?

JAKEZ

A-benn eizteiz en em gavo Gouel Sant Sten. Echu ma houmanant bloaz ganin.

YANN

Gwir. Hag aon ho-peus n'am-befe ket peadra d'ho pêa, ma den ? An arhant a zo prest. Bez e hellan hen rei deoh diouzta.

JAKEZ

Ma houmanant diweza ganeoh. Mond a ran kuit, ne rin ket soubenn goz.

GOD (souezet)

Ma Doue, ta !

YANN (skeoet ives)

Petra a glevan ? Ne fell ket deoh chom er Gosker-Vraz ken ?

JAKEZ (seh)

Mond a ran kuit.

YANN

Ha perag? Evid mond da beleh?

JAKEZ

C'hoant mond kuit am-eus. Da beleh, n'ouzon ket. Ne vo
ket dièz din kavoud eur perhenn all. Ar vevelien vraz n'emaint ket
stank war an tachennou-foar.

YANN

War eun taol ez eo peget ar c'hoant-se ennoh?

JAKEZ

Nann. Abaoe pellig-zo emañ-ganin em fenn. Hirio eo greet
ma zoñj ganin.

GOD

Ni a garfe gouzoud perag, koulskoude.

JAKEZ

N'eus netra muioh da lavared.

YANN (kounnaret)

Gurun, eun abeg bennag, d'an nebeuta...

JAKEZ

Hag e kav deoh eo êz, mestr? Red a zo bet din bloavezziou
evid dizolei sklér din ma-unan e oan da vond kuit abann.

YANN

Sotoniou! Ahanta, marteze ez eus bet kinniget deoh eur briz
koumanant brasoh e leh-all. Pegemend? Piou? Mestr ar Graneg?
An intañvez Koriou?

JAKEZ

Nann. Me 'ni eo ar mevel braz ar gwella pêet er hanton. An
oll hen goar.

GOD

Marteze n'oh ket bouet evel m'eo red? Ne vez ket sellet
ouz an disign, koulskoude, en ti-mañ, kig dous diou wech ar zizun
bag an tammou brava. Ha me, 'm-eus aon n'on ket eur geginererez-
friko, med ma zeiz gwella a ran. Ne ran ket?

JAKEZ (awalh dezañ)

Mad-tre emañ an traou ganeob, God. Arabad tregasi ho penn.

GOD

O klask gouzoud emon. Eur gambr vraq ho-peus, a-uz d'at
marchosi, lambrusket, gand eur gwele a ziou liñsel bag eun armel
serret dindan eun alhwaz. Prenet am-eus deoh eur mellezour tri-dal
da droha ho paro. Peleh emañ ar mevel braz hag e-neus kemend
a draou dezañ, war an tu-mañ?

JAKEZ

En em jala ran? Me oar ne gavin ket gwelloh e leh-all.

YANN

Ha neuze petra? Eun dra bennag a zo hag e-neus trenket deoh
ho kwad, koulskoude. Daoust hag em-eus mezekeet ahano hirvez dirag
an dud? Daoust hag ar merhed n'int ket seven awalh en ho keñver?

JAKEZ

Koll amzer a rit o houllennata. Bevet am-eus mad-tre er Gos-
ker-Vraz, en em glevet mad gand ar mestr bag e verhed, hervez
stad. Hirio e tigouez din ar hoant da vond da weled pelloh. Setu
pez a zo. N'on ket dalhet war ar jadenn, nann!

GOD

Nann. Gwasa-ze evid ar Gosker-Vraz, Jakez Mazo. Diganeob
e pakom eun dismegafñs. Petra a lavaro an dud, pa ouezint ez it
kuit e-giz-se, heb an disterra digarez, goude ken pell amzer tremenet
war on douar? A, kavet e vo ganto abegou kuz, mezusoh an eil
eged egile! Leuskit an teodou da gas. Abalamour deoh, ni a gollo or
brud mad.

YANN

Ar wirionez a zo ganti, Jakez. Ha diwallit: an tamall a gouezo
warnoh koulz ha warnom-ni. Ho tad, Doue d'e bardono, e-neus
labouret e-pad daou vloaz ha daou-ugent er Gosker, ken o-doa dizofñ-
jet an dud e oa Tin Vazo e ano. Deut e oa da veza Tin ar Gosker,
e-giz ma 'z on-me Yann ar Gosker, e-giz m'eo homañ God ar
Gosker. Ni a zo « re ar Gosker », c'hwi iveau. N'eus nemed amañ
hag e reer Jakez Mazo ouzoh. Evid an dud-all, c'hwi a zo Jakez
ar Gosker. Ma 'z it kuit diouzom heb digarez, e vo lavaret ez eus
savet trouz en tiegez, ha peb hini a bako e begemend a gomzou
droug, c'hwi koulz ha ni.

JAKEZ (fuloret)

Kerniel an diaoul! Na gomxit ket a familh! Me a zo mevel
ha c'hwi ar vistri. Peh hini en e renk, mar plij ganeob, Yann ar

Gosker. N'ho-peus ket soñjet, azechou, e oan gouest da veza skuizet o veva ma buhez e-kichen hoh hini? An daou vloaz ha daouugent m'e-neus poaniet ma zad en ho parkeier a bouez marteze war ma diskaoaz ! Ha marteze e kavfen gwelloc'h klevet ma zammig an Jakez Mazo eged beza galvet war hini eur stal-zouar ha n'eo ket din !

YANN (*sioul*)

Mad-tre. Setu aze abegou diwriziennet a-bell, med abegou int. N'eus netra da respont. Ar hazetennou o-deus breinet deoh ho penn, d'am meno. Troet oh da Zispaher, e-giz ma vez lavaret. Domaj eo. Anad eo bremañ din e rankan leuskel ahanoh da vond kuit.

GOD

Marteze e hellfer en em glevet evid eur bloaz muioh, tad. N'eo ket koumanant Jakez hoaz, hervez pez a laver. Ha n'eur ket asur da gavoud unan bennag, pa vo poent hada.

YANN

Ra yelo kuit, m'e-neus c'hoant. Pa vo poent hada, e vo dimezet ho c'hoar ganin. Da veteg, an devezourien a raio ar geusturenn. N'eus labour nemed da fagodi war ar bleuziou.

GOD

Emoh o soñjal dimezi ma hoar bremaïg ?

YANN

Amzer awalh am-oa. Med pa ya hemañ kuit... Me a rank kaoud eun den kreñv d'al labour. Ne zalbin ket eun dachenn zoken da yena.

GOD

Red e vo lezel ar Gosker-Vraz gand ar mab-kaer.

YANN

Ne zispegin ket diouzu. Me a gavo penaoy trei ar grampouezenn. Eun tamm brao a blah eo ho c'hoar. Me anavez pôtre yaouank hag a lezo kalz traou evid distaga ere he loerou. Ar garantez, e-giz ma vez lavaret. Gwechall, ar garantez a zave etre an daou bried da-heul ar vugale, kresk an danvez, al labour kichen-kichen. D'an deiz hirio, eun drempm goant a dalvez d'argourou. Genoueien !! (skrignal a ta). D'am meno, e kavin eur mab-kaer evid hanter-netra, hag a zelvicho din da vevel.

GOD

Eun didalvez bennag, ya. Eul labourer kaer a hoanteo an douar da-heul ar verh.

YANN

An douar a vo dezañ war baper, e ti an noter. Med red e vo dezañ lezel ahanon da vestr er Gosker-Vraz e-pad deg vloaz hoaz. Neuze e tiskennin war ma skabel-vihan, en ti am-eus prenet er vorrh. Chwi a zeuio da zerhel ar stalikerez ganin, God.

GOD

A, ya!

Peoh. War eun taol krenn, Jakez a zistag war-raog.

JAKEZ

Yann ar Gosker!

YANN

Petra hoaz?

JAKEZ

Daoust bag e hellfen kaozeal ganeoh, a waz da waz? Pez ameus da lavared n'eo ket da veza klevet gand homañ.

YANN

Mad. God, kerzit d'ober eun dro d'al liorz. (God a ya war-du an nor-speurenn). Nann, n'eo ket d'an ti-léz. D'al liorz. Eun nor a zo re dano, ma merh. Ne heller ket lezel diskouarn eur vaouez da hedal a-dreñv.

God a ya er-mêz, o stlaka dor ar porz.

6

YANN

Ha neuze? Troet ho menoz ganeoh?

JAKEZ

N'eo ket. Med re bell on eet gand ma haoziou. Koulz eo din diskleria ma halon penn-da-benn. Mestr. me... Ha perag ne vefen ket-me ar mab-kaer, en ti-mañ?

YANN (*souezet ha fuloret*)

C'hwi, ar mab-kaer! Penaoy ta! Emgleo a zo etrezoh ha Maria, martezel Nann! God ha c'hwi? Na kennebeud? Ha petra neuze? Peseurt ijin?

JAKEZ

Lakom a rofah din unan deuz ho merhed. Me a lezo abanoh da vestr er Gosker-Vraz beteg ar mare da zisterna. Klevit ta! Me a jomo mevel braz dindannoh beteg ho maro ma 'z on asur da veza mestr war ho lerh.

YANN

Unan deuz ma merhed ? Ha pehini ?

JAKEZ

Ne ran forz ebed. An hini he-do ar stal war bo lerh.

YANN

Ne gavit ket gwelloh an eil eged eben ? Anzavit ta !

JAKEZ

Me a gemer an bini he-do ar stal, skler eo. Maria, moarvad, peogwir hi 'ni eo ar verb hena ha muia-karet ganeoh. Gwasa-ze. God n'eo ket ken plijuz, med gwelloh evez a daol d'he labour, kalz.

YANN

C'hwi, da vihanna, n'ez it ket da glask troiou ar garantez.

JAKEZ

Eo, dres. Ar garantez am-eus a zo evid an douar. Beb seurt c'hoanteged a zo er bed-mañ. piou hen goar muioh egedoh ? Ar Gosker-Vraz a zo bet awalh da leunia buhez ma zad. E-pad e vloavezou diweza, ne zistroe ket ken d'e di. Kousked a ree amañ, evid beza tostoh ouz e gezeg hag abretob war e labour. Amañ eo maro, a-uz d'ar marchosi, amañ be-deus ranket dont e intañvez, e-giz eur vaouez diavêz, da bedi war e gorr kempennet d'ar hañv en ho sal. Ar paourkêz den e-nije kavet e varadoz war an douar m'ho-pije kredet rei dezaf a dachenn fraost a zo a-dreñv e di-soul ha ne zelvij deoh da netra. Awechou, e leñve warnañ e-unan : « Tin Dizouar, Tin Dizouar ! » Eun druez !

YANN

Biskoaz n'em-eus bet grik dioutañ.

JAKEZ

Nann. Ne grede ket ranna grik. Eun den re zister e oa. Med gouzoud a reeh.

YANN

Ya. Ne vez ket lezet an dcuar da vond, ganeom-ni. Nag a-bez nag a dammou.

JAKEZ

Gouzoud a ree. Ha gouestlet e-neus ma buhez din-me war e roudou. Daouzeg vloaz am-oa pa oen digaser gantañ dte an dorn d'ar Gosker evid beza pôtr-saout. Ouspenn tregont vloaz am-eus paket bremañ. Dond a reer da vourra, med ne gollin ket korv ha spered o selvij abanoh heb gortoz tra-all ebed nemed eur gambr vro a-uz d'ar marchosi. Hag ouspenn ! Genezet am-eus deoh Park ar Mesper, diveinet ganin ma-unan. Ma-unan kaer am-eus difraostet Gwaremm ar Bleiz, en arvar da vreva ma dargreiz. Kemend-se n'eo ket netra, koulskoude.

YANN

Gwirionez penn-da-benn. Med an douar a zo din-me. Daou hant devez arad dindan an heol, klevit mad. Ma zad e-neus lezet seziz ugant ganin. Atao em-eus prenet, biskoaz n'em-eus gwerz. Ha c'hwi, Jakez, n'ho-peus ket zoken eur meudad douar da ziskenn ho pragou warnañ. A-boan eul lochenn-di seh, e-kichen an hent braz. E péleh emañ hoh herez ? Petra a zigasit ganeoh, ma mab-kaer ?

JAKEZ

Digas a ran eur mevel braz evid priz e voued, netra muioh. N'eo ket se pêa ker awalh an digemer en ho famil ?

YANN

Nann, pôtr. Da genta, e ranker kaoud arhant. Diou verb am-eus. Unan a vo an douar dezi, an douar a-bez, ne rannin ket ar Gosker-Vraz. Med d'eben eo red din rei eur yalhad mad, ma fell din ez afe da verb-kaer war eur stal all. Ha ma chom-bi da blab-yaouank-koz, eun dra sur awalh, ma mennad eo he-defe pеadra da zerhel he renk, en eun ti kaer, er vourh. Ar mab-kaer a zeiou amañ e vo ponner awalh e chakotou evid pêa lodenn e hoar-gaer, kom-pren a rit.

JAKEZ

Me a labouro ken stard ma honezin deoh peadra da lakaad ho merh-all en eul leh hag eur stad deread.

YANN

Ta ta tal Gwelloh eo kaoud an arhant en-araog. N'eus netra hreet. Hag ahendall, perag hen kuzfen, c'hwi ne vefeh ket eur mab-kaer da zevel enor din. Pez a lavar, n'eo ket evid ruzia deoh ho tal, Jakez, med ho tad. Doue d'e bardono, a ranke mond da honid e zevez hag ho mamm a vez bemdez er poull o tideila lienaj ar re-all. Tud onest oh, feiz, ha stard da boania, med bihan, bihang ha dizanvez. Me a zo Yann Gonan ar Gosker-Vraz lesanvet Yann

an Aotrou, mêt er gumun warlerh ma zad hag ar henta e-touez ar vistri labourerien douar. Ma timezan ma merh d'am mevel, e kolbin ma renk. C'hwi ben goar koulz ha me. Er vro-mañ, peb hini a rank chom en e leh. Ma hini a zo war bank an aoter, en iliz, p'emo'hwi a-zav dindan dor ar porched, kichen ar piñser dour benniget. Re bell emom an eil diouz egile.

JAKEZ

Leun ho kenou a zo ganeoh gand ho renk. Yann an Aotrou. Koulskoude, ez eus chomet koun, etouez an dud, deuz eun tad-kuñv hag a oe lezanvet Yann al Laer. Ha perag? Abalamour e taolas e zaouarn war ar Gosker-Vræz, n'ouzer ket re vad penaoz, e-pad an Dispah, pa oe dibennet an diweza markiz e Brest.

YANN

O klask feuka abanon emoh, Jakez Mazo? Poan gollet. Ar hendarad e-neus bet al lezenn evitañ hag a oe dija Yann an Aotrou. Ha perag? Abalamour e-neus gouezet ober en oll e-giz ma ree ar markiz e-unan. Setu penaoz e vez gonezet eur renk. Evid derhel ar renk-se, arabad diskenn eun derez nemedken. Ne ziskennin ket d'ho peteg.

JAKEZ

Awalh a zo. A-benn eizteiz emañ Gouel Sant-Sten. Soñit da rei din ma hont.

YANN

Divizet mad eo ganeoh?

JAKEZ

Stard.

YANN

Neuze... Keuz am-bo deoh. Gwasa-ze ma 'z eo deut ho penn da hweza war eun taol. Gortozet am-bije hoaz eur bloavez pe zaou araog digas eur mab-kaer en ti. Bremañ, e welan ez eo red ober marhad heb dale. Ha dres, Ban Kerhor e-neus goulennet hag-eñ e hellfe dont d'am gweled, an noz-mañ.

JAKEZ

Bez e hell dont. Mestr Lanroz a zo war ho renk. Loeiz Kerhor, e eil vab, a vale abaoe pell-zo e skeud ho merhed, d'an deveziou pardon, dalhmad o pêa dezo kraoñ pe spilhenn. N'emañ ket e-unan. ahendall.

YANN

Gouzoud a ran. Med eñ ar pinvidika bag ar henta d'ober e houleññ. Ahanta, mad e veve din ober afer gand Kerhor Koz, d'am meno. Leuniet ho-peus rastell ar hezeg?

JAKEZ

Echu ma labour ganin.

YANN

Mad. Mond a ran etrezeg ar Menez da deurel eun taol lagad war ar herh. Degas a raio ar Varia-ze he zaout d'ar hrench, koulskoude, ma soñjer o goro araog an noz. N'emañ ket ganti he spered d'he labour, abaoe nebeudig. An dimezi a raio vad d'ar plah.

Emañ o vond et-mêz. War an nor, eñ ha gopal :

God, bez e hellit dont d'aoza ar zoubenn. Ne vin ket pell gand ma zto.

Ha kuit.

7

GOD (digouezet prim)

Da beleh ez a an tad?

JAKEZ

Da weled an tachenou kerh.

GOD

Renket an traou etrezoh?

JAKEZ

Nann. Mond a ran kuit.

GOD

Euz petra oa kaoz ganeoh, neuze?

JAKEZ

Lakeet oh bet et-mêz dres abalamour n'eo ket deoh da houzoud. Hag ouspenn, etre eur mesth hag eur mevel, peseurt kaozion a hell beza? Ar mevel a labour hag a zent, ar mesth a bê al labour hag ar zujidigez. Atao em-eus greet pez am-oa d'ober. Eñ, ne fell ket dezañ pêa ar briz. Mond a ran kuit. Ha setu!

GOD

Med n'eo ket kudenn an arbant 'ni oa etrezoh.

JAKEZ

Ar briz am-eus lavaret. Ne vez ket pêet atao gand arbant.

GOD

Selaouit abanon, Jakez. C'hwi a zle chom.

JAKEZ

Ha perag ta ! Eun dle bennag am-eus en ho keñver ? Gopret ho-peus ma divreh bloavez goude bloavez, deuz an eil Gouel Sant-Stevan d'egile. Ar bloaz-mañ e vim kuites.

GOD

Goulenn a ran diganeoh chom eur bloaz hoaz. Arhant am-eus war ma ano, eur yalhad outañ. Rei a rin deoh eun dornad mad heb lavared tra da zen.

JAKEZ

Souezet on o kleved ahanoh o kaozeal. Perag an diaoul...

GOD

Daoust hag e karit c'hoari an diod, c'hwi iveau, Jakez? Ken skler eo an traou hag an dour feunteun. Ma 'z it kuit, an tad ne glasko mevel all ebed. Ahendall, kemend eo boazet ouzoh, abaoe pemzeg vloaz, ma ne hellfe ket gouzañ eun all. Dimezi a rajo ma hoar evid kaoud eur gwaz en e vrud war e zour. Ha me, me a vo matez amañ e-pad peurrest ma buhez, nemed am-bo daou vestr e-leh unan. Chom a rin da zizeha etre ar geusturenn hag ar zaout.

JAKEZ

C'hwi a gavo eur gwaz, God. Ho tad a roio deoh argourou kaer.

GOD

Ya, arhant. Med an arhant, war an tu-mañ, a dalvez nebeutoh eged an douar. An douar 'ni eo hag a ra c'hoant d'ar bôtre yaouank. N'eo ket me a damallo dezo. An hini a gemero ma hoar a bako ar Gosker-Vraz a-bez. Ma lodenn a vo roet din e skoejou.

JAKEZ

N'eus forz. Gant eur bern mad a skoejou...

GOD

Nann. Selled am-eus, endro din, war an oll bôtre yaouank da bourveza. N'eus gwaz ebed evidon e-touez mibien hena ar staliou-labourad-douar. Gant ma bern skoejou, e kavin eun eil-mab pe eun tieg war-zaouhanter, ha n'eo ket kalz gwelloh eged eur mevel braz e-giztoh, sellit. Forz penaor, e kollin ma renk.

JAKEZ

A, tal Setu azel

GOD

Med kentoh e chomin da blah-yaouank-koz. Mond a rin da zerhel an traou e ti ma zad, er vourh, p'e-no dispeget diouz ar Gosker. Me a zeuio da veza an devodez treud, fonnuz he leve, ha n'eo mad nemed da zerhel bleuniou war aoter ar Werbez, beteg kemer c'hwez an ezañ ha liou ar hoar. Ya, chom a rin da blah-yaouank-koz abalamour ar bôtre, d'an deiz hirio, ken truilbeg ha ma 'z int, a garfe kaoud eur vaouez korvet ha dremmet brao. E-giz m'eo ma hoar, da skouer.

JAKEZ (sellec a ra outi penn-da-benn)

N'oh ket gwall vrao maouez, nann, God paour. Heb dismeganis evidoh.

GOD

Adlavaret kement-se ne dalvez ket ken ar boan. Ma flanedenn a zo da veza matez an oll, en ti-mañ. Gwasoh eged eur vatez, peogwir e vo dizofijet zoken rei din ma gopr. Red eo deoh chom hoaz eur bloavez, Jakez. Ma talb gantañ e vevel braz, an tad ne hasto ket da glask perhenn da Varia. Me anavez anezañ : aon e-neus rag eur mab-kaer.

JAKEZ

Ha petra hedit? Ho c'hoar he-deus pemp bloaz war 'n ugent. Poent eo dezi dimezi. Goude an oad-se, ar brava merhed a goll o zalvoudegez. D'ar gwella, e honezoh eur miz bennag, med ho stad a jomo digemm.

GOD

Ne rajo ket. An nebeud a viziouze a vo awalh din da gemma peb tra.

JAKEZ

Ne glevan ket mad.

GOD

Klevit. Me fell din beza mestrez er Gosker-Vraz.

C'hoarzadeg er porz. Maria a zeu tre, lost war he lezh, Lan ar Pogam.

MARIA

Diwezad on paket. God. Gouennit digand Lan ar Pogam, amañ, perag. Kemend a draou e-neus dibunet din ma n'em-eus ket gwelet an heol o tiskenn, gwir.

LAN

Na me kennebeud. Abendall, me, an heol... (*c'hoarzin a ta*,
Maria iveau). Sell ta ! Jakez. Penaoz en em gavit en ho krohenn, pôtr
 koz?

JAKEZ

Etre daou, Lan ar Pogam. Eun disterra skuisoh egedoh, moar-
 vad.

LAN

Selaouit hemañ. Pa glever tud ar mêziou o kaozeal, e kreder
 n'ez eus nemeto o labourad. Koulskoude, n'eo ket dièz diwall ar
 zaout, neketa, Maria! Me a garfe diwall ar zaout, ma oufen ober
 stamm da dremen ma amzer.

Maria a hoartz. Eñ iveau.

GOD (trenk)

Ar gwasa zo, n'eo ket awalh diwall ar zaout. Ha hoaz, bez
 ez eus diwall ha diwall. Dleet ho-piñe digas al loened abretob,
 Maria. Bremañ, e vo red enaoui goulou d'o goro. Se ne blij ket
 d'an tad.

LAN

O, la la! Daoust hag ar zaout a zalh o lêz ganto pa vez
 enaouet? (*c'hoarzin a ra, e-unan*).

MARIA (tagnouz)

Eur giez a vuhez! D'ar mare-mañ, er hêriou, ar merhed deread
 a zo da vad o pourmen dre ar strêjou, kazell ouz kazell, o tigri
 bras o daoulagad dirag ar staliou sklerijennet kaer. Goude koan,
 ez aint da weled ar sinima, pe da zañsal ma kavont gwelloh. Ha ni.
 seiteg buoh da horo hag an traouegez all. Ma gwalth am-eus.

LAN

Gwir eo, pa zoñjer, pez a lavar Maria.

JAKEZ

N'eus ket labour ken evidoh, e kér. Lan ar Pogam, beteg
 m'emoh digouezet war an tu-mañ ?

LAN

Ha n'ouzoh ket emañ ar zul, kamalad? Evidom-ni, pôtres ar
 chanteriou, ni a zo boazet da lezel ar binviji boud, d'an devez-se.
 Setu perag e teuan da dañva êzenn ar vro ha da weladenni an dud.
 Med, an abardaez-mañ, da nav eur, hop, emon pignet e treñ Kem-
 per. Ne badfen ket tri devez ken er horn-bro-mañ. Ken o weled
 anhanh gand ho puhez, ma halon a ra jilgammig (*c'hoarzin a ra*).

GOD

Chañs ho-peus.

MARIA

Red eo goro ar zaout-se, koulskoude.

LAN

Mond a ran d'hoh heul, Maria, da zikour anhanh.

MARIA

Eur zikour kaer! Gouzoud a rit frapa war eun tez, bouriñ
 yaouank, heb klask pelloh (*c'hoarzin a ra*).

LAN

Evel just, ta! Ma zad e-noa eur vuohig treud. O vezza ma
 ne oam nemed pôtres en ti, on-eus ranket en em deurel da horo ar
 zaout, ma breudeur ha me. Eun tammiñ abalamour da ze eo ma 'z
 om tehet kuit gand an diaoul, an eil warlerh egile (*ha c'hoarzin
 adac're*).

GOD

Bremaïg e kavin anhanh, Maria.

MARIA

Kemerit hoh amzer. Gand ar pôtr Lan-ze, n'emon ket en arvar
 da gouenza en birnez. Ne baouez ket gand e deod.

LAN

Eom dezi, berjolinenn ! (*er-mêz, o-daou, o c'hoarzin*).

9

JAKEZ

Ma wel ar mestr an daou-ze asamblez, hennez a gano litaniou
 ha n'int ket moulet el leor overenn.

GOD

Lezit anezo da vond ha selaouit: staget e oan da ziskleria pez
 a zo ganin em fenn, bez e fell din peurechui. Ma werzit anhanh,
 gwasa-ze.

JAKEZ

Perag e werzfen anhanh, ha da biou?

GOD

Gwir eo. Abaoe bloaveziou e labourom on-daou er parkeier.
 An tenna labouriou a zo atao evidom on-daou. An tad a stern gand

Maria evid diwall gwellob ouz e jevrenn da skuiza. Ni on-dau, ni a hellfe tarza, ne ra forz ebed ganeom. En em gleved on-neus a-viskoaz, neketa!

JAKEZ

N'eus savet netra etrezom, feiz. Ha neuze?

GOD

Ma rit eur boumanant-bloaz adarre, an tad a hello tenna e alan araog dimezi ma hoar. Daou pe dri miz d'an nebeuta, marteze c'hweh. Awalh eo din evid cheñch penn d'am flanedenn.

JAKEZ

Ne welan ket skler hoaz.

GOD

Me fell din kaoud douar ar Gosker-Vraz hag eur gwaz a anavezan. Prest on da rei d'am hoar kemend a zigoll ha ma houlenno, pa rankfen gwerza ar hezeg ha tenna war an alar me ma-unan. Ma hoar n'eo ket mad evid al labour douar, hag an tad a zo kirieg da ze eun tammig: kollet eo bet gantañ e verb hena dre m'eo eur plahig koant, re goant evid ar mèziou. Arabad eo dezi dimezi d'eur houer. Hennez ne vefe ket eüruz, na hi kennebeud. Gwelet ho-peus anezi, bremaïg, gand ar Pogam? Setu aze eur gwaz azoare eviti.

JAKEZ

Birviken ho tad ne zigemero hennez. Eur pôtr-ar-paperou war eur chantier sevel-tier, izelloh hoaz eged eur mevel braz. Maria a vo roet da biou bennag a gemero ar Gosker-Vraz da labourad warni.

GOD

Dres. Neuze, red eo lakaad da zigouezoud eun darvoud dibardon. Moarvad, ar pôtr Lan a zamme Maria d'he has e kér gand kalzig arbant d'argourou. An tu-ze emañ o klask. Maria a zo gouest da heulia Lan evid ar blijadur nemedken da vale war eur pavez e tres eur vourhizez. Abaoe he oad a driweh vloaz, pa oe kaset e kér gand he zad da zeski gwriad, e kav he amzer hit da vervel er Gosker-Vraz. N'ouzon ket re vad hag-eñ e vag eur garantez bennag e-keñiver Lan ar Pogam, ha re fin maouez eo da gredi e zorhennou. Med digas a ra gantañ blazenn kér ha mond e kér eo he hoant bero dezi. Pa n'ez eus den-all nemetañ... D'am meno, ne vefe ket red o foulza kalz da bignad asamblez e treñ Kemper, eur zulvez heb dale. Gouest e vefeb d'am zikour evid dezo ober al lamm?

JAKEZ

Klevet am-eus, ar wech-mañ. D'ho meno, ma ya kuit eur wech

bo c'hoar gand Lan ar Pogam, nemed eur wech en treñ noz, ha pa zeufe dimezi etrezo ha pa ne zeufe ket, Maria a vo kollet ganti he brud-vad ha den, war ar hostiou-mañ, ne dostaio outi ken. Neuze, an hini a hoanteo kaoud ar Gosker-Vraz a rango ho kemer, c'hwi.

GOD

Setu azel!

JAKEZ

Anad eo, gand paper ar Gosker-Vraz en hoh armel-eured, ho-po an dibab kenta.

GOD

Dibabet am-eus. Unan bennag deuz ar re wella, gand eun ano douar warlerh e ano badiziant. Rag felloud a ra din iveau azeza kichen-tre d'an aoter, en iliz. Hag eur haer a waz, daoust din da veza divalo. Ablamour ez on divalo.

JAKEZ

An oll draou, neketa?

GOD

An oll, ya... Ha gouzoud a rit perag ? Peogwir em-eus klevet a-viskoaz lavared dirazon, heb mez ebed, penaoz Maria, ar verb bema e oa dezi da gaoud an douar, hag ar paour-kéz God eun ar-melad arhant, penaoz Maria, plah a vrasoni, e oa dezi da veza mamm pennhered ar Gosker bag ar paour-kéz God o moereb plah-yaouank-koz ! Ma, greet am-eus meno da jenñch penn d'an traou. N'eo ket echu ganto digeri o beg.

JAKEZ

Hag eñ? Piou eo?

GOD

Petra?

JAKEZ

Ho kwaz, a anavezit en-araog, piou eo?

GOD

An eil pe egile, n'eus forz. Se ne zell nemed ouzon.

JAKEZ

M'ho-peus c'hoant, God. Me n'on ket furcher tamm ebed. Ne med, evid gouzoud penaoz mond gand ma hent. C'hwi a rango c'hoari hoh-unan. Ha kerzit ganti!

GOD (goude termal)

Hag ouspenn... Loeiz Kerhor 'ni eo, deuz Lantoz.

JAKEZ

Dibabet mad ho-peus. Hag eñ a zo ali ?

GOD

Na rit ket goap ouzon, Jakez Mazo. Me n'on na follez na dall. Loeiz Kerhor n'eo goust da weled nemed ma hoar er bed. E-pad ma vo bi amañ, bennez ne zello ouz plah-all ebéd, ouzon-me nebeut-hoaz. Med, ma ya kuit Maria, eun devez bennag, ar pôr e-neus penn re zister evid herzel ouzon.

JAKEZ

Bez ez eus pennherezed all. Loeiz Kerhor eo ar gwella danvez-dimezi. Gelloud a raio dilenn ar haerra plah goude Maria. Ha bonnez n'eo ket c'hwi, paour-kêz God.

GOD

Evidoh ives ez on ar paour-kêz God, neketa! C'hwi ives, a-boan echu on bugaleaj, a lavare bo pedenou dirag Maria e-pad ma lavaret ma re-mañ dirazoh. Ya, feiz, pôtr koant ha kreñv a gaven ahanoh. Konta reen e peb leh (d'an oad-se eur diodez) am oa c'hoant da zimezi ganeoh, diwezatoh. Tra gaer, eur fustad paket digand ma zad hag em-eus komprenet abred awalh penaoz merhed ar Gosker ne zimezont ker gand ar bôtred-saout, zoken pa zeuon da veza mevelien braz, zoken pa 'z eo ar verh eil-gosa. Ne hell ket beza.

JAKEZ

Ne hell ket beza, nann. E oa kaoz ganeom diwar benn Loeiz Kerhor.

GOD

D'in-me e vo. Me raio pez a zo red. Mond a rin ken pell gantañ ha ma ranker mond. N'e-neus ket re vraz lodenn spered, ar mab Kerhor. Me en em zilo etre e zivreh en desped dezañ, ya, e-giz eur hast a vaouez. Ma vez ezomm, e lakin anezañ da eva araog. Ha goude, e kasin ar helou d'e dad ha d'am bini, e lakin anezo d'en em renka dre forz. Gand aon dirag an teodou, me oar, ne vint ket sezdaletoh oh en em renka. Gweled a rit penaoz ar paour-kêz God he-deus ijinet an taol?

JAKEZ

GOD

Fiziañs din, Jakez, kas a rin anezañ da benn. Ezomm am-eus ouzoh evid lakaad an toaz e go. Eur prezeger mad ob, p'en em daolit da brezeg, mevel braz. Chomit hoaz er Gosker eur boutadig. Eur zulvez da zond, c'hwi a zisklerio d'ar Pogam e hell samma

ma hoar gantañ hardiz. Ha dreist-oll, lavarit dezañ e vo ponner an argourou. Ouz ma zu din, me a hencho Maria. Selaouit mad! Ma harpit ahanon beteg ar pal, pa vin mestrez amañ, me a roio deoh ar mell tachenn fraost a zo a-dreñv penn-ti ho tad. Ya, dispega rin diouti. Ne vo ket êz deoh he difraosta, med eur plasig brao ho-po diwariñ ha mestr e vioh war ho touar. Gweled a rit e pêan mad ha ker.

JAKEZ

Awalh ho-peus komzet, med re ziwezad eun tammig. Ne oah ket goust d'ober ho menoz kentoh?

GOD

Perag, eun tammig re ziwezad? Gant eur zizun bennag...

JAKEZ

Nann. An noz-mañ, klevet a rit, an noz-mañ Ban Kerhor koz a zeu da houllenn ho c'hoar Maria evid e vab Loeiz.

GOD (skoet)

A! An noz-mañ? Ma hoar! Penaoz e uezit?

JAKEZ

N'eus forz. Gouzoud a ran.

GOD

Alas evidon ! Eun nebeud euriou hebken ! Perag n'em-eus ket komzet ganeoh abretoh ! Med martez... Jakez, ne zilezan ket.

JAKEZ

N'eus ket kaoz da zilezel, nann ! Ober buan a ranker, avad. Abendall, ar helou-ze, pa uezint, Maria ha Lan, a vo awalh da deurel anezo e treñ Kemper, an noz-mañ dres hag asamblez, ne vo ket? Med red eo diskleria an dra d'an eil ha d'egile war-ziforh. N'ouzer ket beteg pegeid en em glevont o-daou. Kemennit da Varia, me a gemenno da Lan ar Pogam. Eur wech e vint eet kuit, n'on-no netra d'ober nemed leuskel an teodou da flipa. Goude tri devez, broz Maria a vo dineudennet brao.

War an nor a gas d'ar zaout, e teu Lan ar Pogam, o c'hoarzin atao.

10

LAN

Abanta, ma zud paour, an amann n'eo ket pêt ker awalh biskoaz. Goro ar zaout a zo eun diaoulez a vicher.

JAKEZ

Evid an hini ne oar ket ober, ya. Ouspenn, anad eo ne garont ket beza palvaret gand ar wazed.

LAN

Ar wech diweza eo din. Kredi a reen e ouzezen hoaz an doare d'ober ganto, koulskoude. Kerzit da glask! N'em-eus gellet goro nemed diou, ha fallig awalh hoaz. Lazer on bet gand al loened-se. Hag eun taol lost d'am foulkil, hag eun taol troad d'am morzed. Resteurel a ran deoh an tavañjer, God. Maria, p'he-deus gwelet abanon oh ober, a zo dirollet da hoarzin kem kaloneg ma n'he-deus ket greet muioh egardon. Kerzit d'hezikour, ahendall e ranko tremen an noz er hreñch. Of! Eva a rafen eur bannig bennag. Hini kreñv, ma kaver euz hennez en ti.

Azeza ra war ar bank.

JAKEZ

Hellit mond, God. Me a raio startijenn d'an den-mañ. Evid al labour ma oam o kaozeal outañ bremäig hag a ra pres, emon o vond da bledi gantañ diouztu. Arabad en em jala. War ho tu, grit ar pez a zo lodennet deoh.

GOD

Klevet am-eus. Jakez. Trugarez.

Mond a ra d'ar hreñch. Jakez a germer eur voulhcad odivi hag a skarz eur banne da Lan.

11

LAN

Atao gand al labour, c'hwi ho-taou. Ne hellit ket herzel eun tammeig, nann! Pe vuhez!

JAKEZ

Buhez an douar 'ni eo. Lan. An douar a zo dalhmad war labour. Ne ra kont ebed gand deiz nag eur, a-boan m'anavez ar m'reou-bloaz. Ne hellom ket e zilezel eur pennad ma fell deom eosti. Ha goude hoaz, emañ gourhemennou an heol, an avel, ar glao hag ar reo. Hag al loened, ouspenn, m'emom-ni ouz o zervij, e gwirionez. Rag-se, an didalvouda tra, en eur stal-labourad-douar, eo ar montr pe an orolaj.

LAN

Yehed deoh, Jakez. Re galet ar vicher.

JAKEZ

Nann. Peb micher eo brava micher ar bed evid an hini e-neus dibaber anez o houzoud mad petra eo. Lod en em daol da beizanted e-giz m'en em daol lod-all da veleien. C'hwi, avad, ne garit ket an douar. Eet oh kuit, mad ho-peus greet. Ma 'z eus unan bennag da glemm dreist ar re-all, moarvad eo merh hena an ti-mañ. Honnez ne gar ket an douar, kennebeud, ha koulskoude e ranko chom staget warnañ.

LAN

N'ouzon ket. Maria n'eo ket eur plah da stoui he fenn. Youl a zo enni. Mar kar...

JAKEZ

Ne glaskin ket troiou ganeoh, Lan ar Pogam. E-pad eur boutad, em-eus soñjet din e oah oh ober lez da Varia ar Gosker, o klask dimezi ganti. Iskiz awalh, hañ!

LAN (broudet)

Perag, iskiz? N'on ket eur gwaz a-zoare awalh evid merh ar Gosker-Vraz? Arhant ne honezan ket berniou evid an ampoent, med an deskadurez a dalvez eun dra bennag, nann! Spi am-eus da zevel uhelloh, diwezatoh. Ma gwreg a vo eun itron, Jakez, ha ne deilo ket ken he boutou, en eur hreñch, o hora ar zaout. Med c'hwi, ar vevelien, c'hwi a vag gwarizi e-keñver an hini a zimez gand merh ho mistri. Dreist-oll pa 'z eo hennez eur paour-kêz diaoul e-giztob, eun den war ho renk. Ganeoh hoh-unan, c'hwi a zoñj: perag ne vefe ket me, ar mab-kaer?

JAKEZ

Arabad kaoud imor, Lan ar Pogam, ha teuel sotoniu er-mêz. Me a oar chom em flas. Ho tad a oa ken izel ha ma hini e-touez an dud, amañ, med c'hwi ho-peus darempredet ar skolioù, c'hwi n'oh sujed da zen ebed ken, er vro. En eñeb eo, ar vistri vraz e gav êz mond d'ho kavoud evid o faperiou. Me lavar fréz, m'ho-pije lakeet mad ho poan, e oah den da zond a-benn.

LAN

Sell ta! Na peseurt loen fin! Ha penaoy ho-pije greet, em leh din-me? Displegit!

JAKEZ

N'emon ket en bo krohenn, Lan ar Pogam. Selled ha selaou a ran. Kleved a ran Maria o toui a vouez uhel, nemed pa vez he zad dirazi, ne gar ket ar mèziou hag ez afe awalh da veva e kér. Hogan, e-touez ar bôtre yaouank a' anavez, n'eus nemedoh a veva e kér, gand eur vicher deread. Aze emañ ho chañs kaer ganeoh.

LAN

Ha Konan koz? Daoust hag e rofe e verb da vab Fañch ar Pogam, e-neus bevet truilhoh hoaz eged ho tad?

JAKEZ

Me zoñje ganin ma-unan: Lan ar Pogam a zo pôtr digourdi hag eun teod flour. Eur zulvez da noz bennag, ne vefen ket estonet ma pignfe Maria d'e heul en treñ nav eur, ma ra pourchu warni eun disterra. Eur wech greet al lamm, ne jomfe gand Yann ar Gosker koz nemed an amen da lavared. Ar stal a zigouezfe gand God, he-deus c'hoant bero beza mestrez amañ, ha lodenn Maria a vefe roet e pouez an arhant. Lan a zavfe ti-genverz war e gont ha ne vefe ket pell o tond da veza eur penn-braz e kér, speredet ha desket evel ma 'z eo.

LAN (*o prederia*)

Ya, ya.

JAKEZ

Ya, med lakeet am-eus ma fenn da hweza evid netra. Se ne oa ket en ho ratoz, kredabl (*c'hoarzin a ra*). Gwasa-ze evid Maria. Teila rao he boutou gand kaoh-saout ar hreñch, bemdez-buhez. An noz-mañ, Ban Kerhor, mestr Lanroz, a zeu d'he goulenn evid e vab. Ha diouztu e vo roet dezañ.

LAN

Petra lavarit?

JAKEZ

Warhoaz vintin, oll dud ar barrez a ouezo e teu Loeiz Kerhor da vab-kaer d'ar Gosker-Vraz.

LAN (*an derzienn warnañ*)

A! Ha petra lavar Maria?

JAKEZ

Maria ne vez ket o kovez ganin. Me gred e sento ma ne wel tra-all ebed d'ober. C'hwi a dlefe gouzoud gwelloh egedon.

LAN

N'ouzon netra, sez gwech netra. Gand eur plah e-gizti e paker tomm ha yen. Bez ez eus pennadigou amzer ma kredan am heuile beteg penn-tre ar bed, hag aweiçou-all ma ne dalvezan ket eur boton eviti. Meur a wech, em-eus santet anezi prestig da gas ahanon a-ziar. He zro gand komzou a zismegañs. Diéz-tre e kav derhel warni. Eur predig goudé, emañ-hi ken flour ha mel. Penaoz gouzoud?

— 46 —

JAKEZ

P'emañ-hi ken flour ha mel, deoh eo d'he lakaad da gaozeal frêz.

LAN

Eun dra bennag a vir ouzon. N'eo ket ablavour em-eus aon, med ésoh e vefe ma larvarfe-hi eur gomz hebken da rei kalon din. Pe m'he-defe eur vadelez bennag em-heñver, c'hwi a gompren, da rei din da houzoud em-eus galloud warni. Netra! Morse netra!

JAKEZ

Plijadur he-deus ganeoh, o kleved ahano. Lakaad a rit anezi da hoarzin diroll. Feson vad eo.

LAN

Jakez, c'hwi oar piou on. Dizanvez ha dizouar e-giztoh. Gand an douar ne ran ket forz, bremañ. Med m'am-befe eur yalhad aour etre ma daouarn evid toulla ma bent, e hellfen diskouez da betra on mad bag e lakfen ma aferiou da drei. Ya, ar gwir a oa ganeoh, bremäg : karet am-bije dimezi gand pennherez ar Gosker hag ober gand he argourou evid dont da veza bourhiz. Ar plah ne zisplij ket din, ahendall, hag eviti e vijen bet eur pried mad, gwelloh eged lod-all a zo. N'or ket bet hardiz awalb. Gand ar gribenn kilhog am-eus gonezet e kér, ne weler ket warnon ken tres eur mab-a-netra. Med m'hen goar re vad ez on chomet ar pôtr a oan.

JAKEZ

Diouer a galon, kentoh, Lan ar Pogam. Mond a rit kuit dres d'an ampoent ma welit pal ho labour.

LAN

Ahanta. Ha gouest on da vond e-keñver mab Lanroz ?

JAKEZ

Mab Lanroz eo an bini a lako ar frouezenn da goueza en ho torn. Ar goulenno dimezi a rajo e dad, an noz-mañ, a zo ho kwella chañs. Beteg-henn, n'oh ket deut a-benn ablavour, war ho meno, ho-poa amzer awalb dirazob, ablavour ho-peus astennet termen deuz an eil sizun d'eben. Maria, ouz he zu, ne grede ket terri krenn gand he buhez a-vremán ha tud he bro, ablavour ne oa prez ebed war he choung. Pa ouezo petra zo da erruoud, an noz-mañ, e pakio eun taol brao. Eviti. Loeiz Kerhor ne dalvez ket eul liard toull. Med, dreistoll, reketet broust eo gand an doare-beva he-deus amañ, debret gand ar c'hoant mond e kér. Ma vefe sikouret eun disterra, honnez a zavfe en treñ nav eur ganeoh. Diskouezit ez oh den, ta !

— 47 —

LAN

Trei a ra ma fenn. Jakez. A-boan ma chom div eur dirazon. Penaoz, hervezoh, e hellfen kaozeal gand Maria. dre guz, en ti-mañ ! Hag ar mestr a zo war e zistro, heb dale.

JAKEZ

Ha red eo deoh kaozeal gand Maria? Ar belou a yelo beteg enni abred awalh, fiziañs din. Ma aotreat, ouspenn, me a raio da houzoud d'ar plah penaoz, e-leh mond da gerner an treñ d'ar vourh, evel boazet, c'hwi a bigno ennañ pa harzo e ti-linenn Plougorn, pemp munud da vale ahann, a-dreuz ar prajou.

LAN

Eun ijin mad awalh eo. N'eus ket kalz a veajourien en ti-linenn. Eun ehan dired n'eus ken. En noz, gand eun tammig chañs, ne vim gwelet gand den ebed.

JAKEZ

Gweloh e vefe deoh beza gwelet, d'am meno. Ar gwallyrud a redfe buannah e ti-gar ar vourh, gand an oll gomerezed war hed ha ne vankont morse war an treñ. Med ar vourh a zo ouspenn eul leo ahann ha prez-amzer a zo warnom. Ahendall, er vourh, n'ouzon ket mad hag e kredfeh kas Maria ganeoh dirag daoulagad an dud. Ha neuze ? An ti-linenn ?

LAN (stard an ton)

An ti-linenn. Nav eur. Lavarit dei diwall da jom heb dond. emon ouz he gortoz, e rin outi eun itron kiz-kér, nemed warhoaz e vo re ziwezad. Lavarit n'eus forz petra, gand ma tevio.

JAKEZ

Bez e vo da nav eur d'an treñ pe n'anavezan ket mad anezi. Ha bremañ, skarzit ahann. Arabad d'ar mestr kavoud ahano amañ. Goust e vefe da hwesa eun dra bennag. Nann, n'ez it ket dre ar porz, ar bi a daolfe harzadeg. Dre ar skalierou, aze. Trement dirag ar hambreier da ziskenn dre an diri mén, e-tal an ti. Treuzit al liorz beteg an hent.

LAN

Bennoz deoh, Jakez.

(Emañ kuit).

12

JAKEZ (e-unan)

Hemañ, d'an nebeuta, n'e-neus ket kinniget din pêa ma zervij

pe brena ma houstiañs. N'eo ket estonet o weled abanon o rei sikour dezañ, ablamour n'en em gav ket brasoh egendon. Ma tro an traou mad awalh evitañ...

Maria ha God a zeu tre.

13

MARIA

Eet eo Lan ar Pogam kuit ?

JAKEZ

Mall a oa warnañ, d'am zoñj. Me a gred iveau ne felle ket dezañ keja gand ho tad. Ar mestr ne gar ket gweled anezan dre amañ.

MARIA (tagnouz)

Ar mestr n'e-no ket droug-daoulagad ken gand Lan ar Pogam na gand pôtr-all ebed. Ablamour din-me, da vihanna.

JAKEZ

Eur hefri am-eus evidoh, Maria, dre berz Lan.

MARIA

Na petra ta ?

JAKEZ

N'ouzon ket bag-eñ eo tra-guz, med koulskoude, dirag God...

MARIA

E hellit lavared peb tra dirag God. Greet eo ar honchou ganeom on-diou. Dalbit ho teod mud dirag an tad beteg warhoaz nemedken. Da houde, ne tin forz ebed.

JAKEZ

Lan ar Pogam a gemero treñ nav eur e ti-linenn Plougorn, e traon ar prajou. Gouenn a ra diganeoh mond di. Eur helou a-bouez e-neus evidoh. Awalh da gemma ho puhez. Adlavared a ran, komz evid komz.

MARIA (kounnacet)

Ha petra e teu d'ober em bubez. Lan ar Pogam ? Eun tamm kilhog, war e veno, bennez ! God, taolit eur zell war ar zoubenn ! Bez em-eus d'ober em hambr.

Pignad a ra gand ar skalier.

14

JAKEZ (*mouez izel*)

Lavaret ho-peus dezi ?

GOD (*memes tra*)

Ya. Diouztu he-deus paket an derzienn. Kemer a ra an treñ, an noz-mañ. Eet eo da zastum eun nebeud traouegez da gas ganti.

JAKEZ

Mad tre. Ha laouen oh, neuze ?

GOD

Ya. C'hwi a zo eun den ampart, Jakez. Eun ali mad ho-peus roet din. Ha setu kaset an tammin kenta da-benn. Chom a ra eun tamall. Red eo sikour abanon hoaz da beurechui. Rag n'eo ket echu.

Mouez Maria, war laez ar skalier.

MARIA

God, bez e hellfeh pignad eun tammig ?

GOD

Emon o vond diouztu.

Pignad a ra d'an daoulamm.

15

JAKEZ (*e-unan adarre*)

N'eo ket echu, God. O, nann, n'eo ket echu. (*Gweled a ra Loeiz o tond dre guz e toull-dor ar gambr-léz.*) Setu egile, bremañ, ar c'hoarier mouchig-dall. Paour-kéz diaoul !

Loeiz a zeu tre et zal, tres eur diskiant warnañ.

16

JAKEZ (*uhel*)

Deuz a beleh emoh o tond? Me a grede e oah em hambr?

LOEIZ

En ho kambr e oan p'em-eus gwelet Lan ar Pogam o vond er-mêz war an diri mén. (*Kounnaret ruz*). Petra zeu da glask amañ, al lapous brao-ze? Perag ne jom ket da louza paperou e kér? N'eus ket boued ganeom evid an hailboned e-giz hennez, al laeron merhed. Taolet e-nef e zaoulagad war Maria da vad? Lavarit ar wirionez, Jakez. Emañ ma oll gwad o virvi em horv. Deut int d'ar gêr asamblez. Gwelet am-eus anezo. Petra zo etre an daou-ze? Ahanta, digorit ho kenou !

JAKEZ (*goustad*)

Poan am-eus evidoh. Loeiz Kerhor. 'M-eus aon. Maria ar Gosker ne vo birviken ho kwreg. En em renket o-deus, en hag hi.

LOEIZ

Ra vezo daonet mil gwech! Diroga a ra din ma balon beo. Petra ouezit hoaz? Disklerii penn-da-benn!

JAKEZ

Mond a reont kuit o-dau, an noz-mañ, gand an treñ nav eur. Emgav a zo ganto e ti-linenn Plougorn.

LOEIZ

Ha mond a raio hi. sur?

JAKEZ

Pignet eo d'he hambr. Emañ-hi o tastum be zammig traouegez en eur valizenn. Bez ez eus merhed all dre amañ. Loeiz Kerhor, hag a dalvez kenkoulz ha hi.

LOEIZ

Peoh din! An diaoul daonet-se 'ni eo e-neus taolet sorserez warni, m'hen goar mad. Med me he zaveteo, Jakez. Kleved a ritl Saveteet e vo pa zeuio ma zad d'he gouleññ da zimezi, an noz-mañ. (*Gonezet eo gand ar follentez*). Digorit bo kov evid predou an eured, Jakez Mazo, ken braz ha ma hellit. Ha me azezet er penn d'al laez d'an dôl. Maria em bichen-tre, he lez ouz ma hini. Ma! C'hwi a zo keneil din, mevel braz. ma gwella keneil. Me a lezo ga-neoh da zistaga ere he loerou..

Redeg a ra d'an nor.

JAKEZ

Da beleh emoh o vond, Loeiz ?

LOEIZ (*herzel a ra*)

Honnez a zo din-me!

Emañ kuit. Jakez e-neus eur mousc'hoarz. Tos-taad a ra ouz ar prenestr da weled Loeiz o tehoud ha chom a ra aze, troet e gein gantañ, o c'hwi-tellad eun ton gavotenn.

ECHU AN ARVEST KENTA

Ell arvest

Div eur goude, e sal voutin ar Gosket-Vraz, emañ paket o hoan gand an dud. Enaouet eo al lamp. God a ya hag a zeu, hegaset. Maria a zo hoaz ouz tôl, he daoulagad kollet dirazi. Ar mevel braz a zo staget da lenn ar gazetenn, da glask he lenn, kentoh. Yann a ro butun d'e bibenn, med prederiet eo, hervez ar feson outañ. Diéz an dud. Daoust ha ma santer eun emgleo etre ar re yaouank, peb hini a hortoz eun dra bennag evitañ e-unan.

MARY

Jakez ab evez ar a gorf ebed? M'ez eo m'ez war bed?
M'ez d'ezek hañv ebed? M'ez d'ezek hañv eñez?

YANN

YANN: Jakez ab evez ar a gorf ebed? M'ez eo m'ez war bed?
M'ez d'ezek hañv ebed? M'ez d'ezek hañv eñez?
N'ouzer ket ken piou int abaoe m'eo maro Klemenso koz. Pennou
laeron ha forbaned, hadenn ar galion, beteg an dioded baour hag
a denn taoliou fuzul an eil war egile ablamour da verbed ha ne
gouskont ket er gwele mad. Petra hoaz! Gweturiou-tan brevet, korvou
maro e-barz, ablamour e c'hoanteer beza erru araoag mond en hent.
Sotoniou! N'eus netra evidon aze. Pa lakont poltred eul leue-bihan,
al leue e-neus pemp pao. Ma! Peogwir e tigouez dres ganin kaoz
al loened, sellit e-kreiz ar gazetenn penaoy emañ priz ar moh lard.

1

YANN

Jakez, petra nevez a zo er bed? (Responset ebed). Sorset eo, an
den-mañ? Jakez, kleved a rit?

JAKEZ

Petra zo, mestr?

YANN

Me 'ni a houlenn petra zo a nevez war ho kazetenn. Emoh
aze, o sellé ouz ar bajenn genta abaoe eur hard eur. Ha peb unan
a oar ne dalvez ket ar bajenn genta eur boton torret. Aze, e vez
lakeet poltredou merhed ar sinima pe bôtred ar gouarnamant ha
n'ouzer ket ken piou int abaoe m'eo maro Klemenso koz. Pennou
laeron ha forbaned, hadenn ar galion, beteg an dioded baour hag
a denn taoliou fuzul an eil war egile ablamour da verbed ha ne
gouskont ket er gwele mad. Petra hoaz! Gweturiou-tan brevet, korvou
maro e-barz, ablamour e c'hoanteer beza erru araoag mond en hent.
Sotoniou! N'eus netra evidon aze. Pa lakont poltred eul leue-bihan,
al leue e-neus pemp pao. Ma! Peogwir e tigouez dres ganin kaoz
al loened, sellit e-kreiz ar gazetenn penaoy emañ priz ar moh lard.

JAKEZ

Deg lur war gresk.

YANN

Mad. Bez on-eus daou er breñch bag a zo deut da vad. Warhoaz vintin e kasin anezo d'ar biger. P'am-bo roet deoh an dornad bilhejou a rankan. e vo poent din lakaad arhant fresk en armel.

JAKEZ

Petra am-eus d'ober, warhoaz?

YANN

Pez a garoh. Evid an ampoent, n'eus prez ebed. E-pad an deveziou a jom ganeoh da veva en on touez, ne fell ket din muzula al labour deoh. Gwelloh hoaz, m'ho-peus c'hoant mond da weled ho kerent pe da glask koumanant, hoh amzer a zo deoh beteg gouel Sant-Stevan.

JAKEZ

N'em-eus ket desket biskoaz koll ma amzer. Warhoaz, e soñjan mond da ziskar lann a-ziwar kleuziou ar Park-Kostiet.

YANN

Setu pez am-bije greet heb an digarez da vond d'ar vourh. Ous-penn hag ar moh, ezomm a zo din da gaozeal gand an noter. (Peoh). Maria a zeuio iverz,

MARIA (*tridal a ra*)

Me? E ti an noter? Ha perag? Ne welan ket sklêr er paperou koz.

YANN

N'eus ket da weled sklêr. An noterien, pa lennont o diellou, hag an dud-a-iliz pa ganont e latin, se a zo memes tra. Evidom-ni n'eo nemed trouz, med int a oar. Ne hellont ket ober e mod-all. Red eo kaoud doujañs evid o skrituriou, merh. Ar skrituriou a ziwall an douar bag an arhant, ar gwiriou, an oll draou. Biskoaz n'em-eus tennet ma zog nemed evid dimezi an dud en ti-kêr, ha hoaz awechou on bet dizoñjet (*c'hoarzin a ra*), dirag ar re varo, en iliz hag e ti an noter. Atao e ti an noter.

MARIA

Gwelloh a veve kas God ganeoh em leh. Dedennet eo gand an traou-ze.

YANN

N'eo ket deuz God, med deuzob-c'hwi am-bo da gaozeal gand an noter.

MARIA

Da lavared eo emer o klask ahanon da zimezi, neketa?

YANN

Ya (*Peoh*). Ne houennit ket piou?

MARIA (*dibreded*)

Nann.

YANN

Ablamour e ouzoh dija. Posubl eo e ouzoh abaoe pell-zo.

MARIA

Posubl.

YANN

Gwella-ze. Me a gar gweled ar re yaouank o renka etrezo pez a hellont renka. Evid an traou pouezusoh. ar madou da zond deuz an daou du, an diarbennoù hag all, se a zo afer d'ar re goz. Ha neuze, eun dra vad eo ober ar goulenn hervez ar giz reiz (*peoh*). Dond a raio, an noz-mañ, gand e dad. Setu perag, warhoaz, ez aim da gavoud an noter.

MARIA (*c'hwero*)

Abaoe ma 'z on deut en oad, ez on bet goulennet teir gwech d'an nebeuta. Ar bôtred yaouank a zeue d'an noz gand o zad pe ar bazvalan, med me ne ouien netra. Digand komerezed ar vourh, eun devez benzag warlerh, e tesken penaoz ma zad e-noa argaset eur pôtr-yaouank pe eun all. An noz-mañ e rit kalon din en-araog. Moarvad, eta, e lavaroh ya?

YANN

Fri tano ho-peus. Maria. A-viskoaz em-eus greet evel m'eo red ober, war an traou-ze. Pa n'o-deus ket ar boulennerien peadra, n'eo ket fur leuskel anezo da dostaad ouz ar verh, dreist-oll p'eo ho-mañ yaouankig. Tan ar garantez e-neus kollet he fenn da veut a blah. Tost eo bet da goll hoh hini deoh, m'em-eus soñj vad.

MARIA

Soñj em-eus iverz. Nemed 'hwi, eur wech da vibanna, c'hwili ho-peus tennet hoh ero a-dreuz. Bez ez eus deut unan, pemp bloaz zo, hag ho-peus taolet er-mêz. Hennez 'ni nefe greet deoh ar brasaenor, hirio, peogwir e prizit an enor dreist peb tra.

YANN (*kouannaret*)

Mab ar here! C'hoant e-noa da zimezi ganeoh evid kaoud peadra da vond e karg medisin-loened er barrez-kanton. Me grede

din e vele maro gand an naon, war an tu-mañ, oh ober eur seurt micher. Penaoz em-bije gouezet e tilezze evitañ ar vistri yaouank ti ar marichal hag ar rabouter! Setu eñ kuzulier-meur, bremañ, ar fri-louz-se.

Re yaouank e oah, da genta. (*Fuloret*). Awalh a zo! Hirio, Loeiz Kerhor Lanroz eo an bini a glask kaoud abanoh. Ganet eo en eur familh vraz labourerien douar hag a zo lakeet zoken ar aroazom-ni. Bez e-neus pez a zo dileet ha den a feson eo. Re guñv, eun disterra, d'am meno. Med dres, c'hwi a raio outañ pez a garoh. Daoust hag ho-peus da glemm?

MARIA

Ne gleman ket muioh hirio egod ar gwechou-all.

YANN

Mad an traou, neuze. Pez a ran a zo evid ar Gosker, feiz, evi-doh iveau. Diwezatoh n'ho-po ket keuz da veza sentet. Ahanta, ar merhed, pa vo echu labour an ti ganeoh, pignit en ho kambr. Arabad deoh beza gwelet en traon gand ar wazed. God a bell mond d'he gwele. C'hwi, Maria, c'hwi a wisko ho tilhad-sul hag a jomo war bao. Me a zigemero Ban hag e vab. Pa vo renket an traou, ez in da glask abanoh. God, bez ez eus peadra da rei chervad d'ar Gerhored?

GOD

Poazet am-eus eun anduilhenn, ar mintin-mañ, ha n'eo ket bet trohet hoaz. Chom a ra kig pemoh fresk ha, mar karit, e tigorin eur voestad pastez.

YANN

Lezit, Maria her raio. Afer eo dezi, nann! Jakez, c'hwi a sterno ar gazeg warhoaz da zeiz eur. Nann, da eiz. 'M-eus aoñ ez aim da gousked diwezad, an noz-mañ. Mad, Ezommi am-eus da vond d'am hambr, da rei eur zell d'am faperou ha da brederia araog en em gavoud dirag an noter. Jakez, chomit da hortoz ar Gerhored, mar plij ganeoh, ha da zigeri dezo an nor. Ma frenestr a sko war-du al liorz ha n'on ket asur da glevet ar bi o harzal. Re vad e anavez Ban Kerhor.

JAKEZ

E-giz ma fell deoh e rin, mestr.

YANN

Ahanta, peb hini a oar petra e-neus d'ober. Bez e heller dond.

Mond a ra d'e gambt hag e sert an noi warnañ.

2

MARIA

Bez e heller dond. Ar yarig a vo digludet. Beteg beza gwerzet, gwelloh e kav mond da varbad kér. Muioh a brenerien a-zaore eviti, du-hont. (*C'hoarzadenn verr*). God, prest eo ma valizenn?

GOD

N'em-eus ket gellet sinka an oll draou e-barz. Leun-tenn eo, da darza.

MARIA

C'hwi a gaso din ar peurrest diwezatoh. Hag an arhant?

GOD

En douger-bilhejou du, dindan ar pennwele.

MARIA

Pignad a ran da glask anezo.

Ha dre ar skalier, o fredoni eur zon nevez savet.

3

JAKEZ

Anad eo emañ-hi war volontez terri he fun. God, Perag e krenit kemend-all?

GOD

Krena rin beteg ma vo pignet e treñ nav eur. Al listri a hortozo warhoaz da veza skaotet. Ne gredan ket ken paka eur volenn.

JAKEZ

Deuz peseurt arhant e oa kazo ganti?

GOD

Roet am-eus dezi pez am-oa ganin. War-dro ugent mil lur.

JAKEZ

N'eo ket ker evid gwiriou henanded.

GOD

N'am-oa ket muioh, m'hen tou, abendall am-befe roet oll hag oll, ma hiviz, da heul. Pelloh e chomo kuit ha brasoh e vo ar brud fall en dro dezi. Klaoustri ran e vo gwelet o tistrei, he chakotou

skarzet, warni broziou divez, eun hernaj kolierou ha troiou-breh marhad-mad war he brohennoaz. Med ne vo ket lazet al leue lard evid ar verb foranez. Kaer e-neus he zad prizia anezi kant kwech muioh egardon, birviken ne bardono dezi da veza bouet an teodou ha darempredet dirag an dud Lan ar Pogam, ar pôtr faro ha ne bonez ket awalh zoken d'he maga.

JAKEZ

Petra he-deus lavaret diwar-benn Lan ar Pogam ? Dimezi a raint ?

GOD

Netra. Komz ebed. Tregas a oa warni abalamour d'an arhant nemeden. « God, roit din pez ho-peus, beteg ar gweneg diweza. Resteurel a rin deoh. » Ma! Bez e hell derhel an arhant ganti. Emañ hi o tiskenn.

Maria en em ziskouez war-laez ar skalier, he malizenn ganti, eur vantell war he breh. Diskenn a ra war evez, gand aon e strakfe dindanni.

JAKEZ

Hellit diskenn hardiz, Maria. P'emañ e fri gantañ en e baperou, ar mestr ne glev netra.

4

MARIA

Gwir eo. Roll gwiriou ar Gosker a zo dezañ ar Pevar Aviel. Lavared a ra e bater dirazo.

GOD

Roit din ar valizenn hag ar vantell. Me o lako er-mêz, a-dreñv an nor. Ma zeufe amañ deuz e gambr... Awechou n'ouzer ket.

Ober a ra, ha buan endro.

MARIA (flemmuz)

Setu aze eur hoar vihan karadeg-tre ! He zeiz fosUBL a ra evid sikour ahanon da guitaad an ti-mañ. God, aon ho-peus e c'hoarvezze eun dra bennag ha ne zeufen ket a-benn da dehou. hañ ! Brao e vefe da weled ! (C'hoarzin a ra).

GOD (mouez dibouez)

Grit peoh, Maria ! C'hwi 'ni eo ar verb hena. Pemp bloaz war

'n ugent ho-peus. Deoh da houzoud peleb emañ ho c'hoant. Ha pa garfen teurel ahanoh er-mêz, ne hellfen ket hen ober.

MARIA

A daoliou boutou, nann, nag a daoliou skourjez. Tremen a ran e-rez eur penn-skañv, med abaoe pell-zo em-eus komprent ho troiou. Dizeblant kaer, c'hwi a boulz ahanon goustadig war-du an nor. Ma 'z eus bet mareou ha ne ouien ket mad, an noz-mañ eo sklêr din. An noz-mañ, c'hwi hag a skuilhfe ar bern teil penn-dabenn gand ar porz evid adkavoud eur gweneg kollet, c'hwi ho-peus roet din ho teñzor heb eun huanadenn. Pevar mil lur war 'n ugent ha c'hweh kant lur. Na pegemend a garantez evidon, ma hoar vihan !

GOD

Selaouit outi, Jakez ! Kalon awalh he-deus da gana dismagañs din.

MARIA

Dismagañs deoh ! Ez da bouzoud hag-ën e lavaran ar wirionez. An tad a zo en e gambr. Kerzit da gemenn dezañ emañ e verb o vond da zilezel an ti araog eur hard-eur ahan, da zilufra brud-vad Konned ar Gosker-Vraz da virviken ha ken brao ma ne vo ket ken Yann an Aotrou mêt er gumun a-benn bloaz. Ahanta ! Kerzit ! Serri a raio ahanon em hambr ken pell ha ma vo red, staga raio ahanon war ma gwele, eur glañvourez a rao abanon dirag an dud, n'eus forz petra kentoh eged koll e renk ablamour din. Petra hortozit, ironig ar Vertuz. (God ne ra van ebed). Test ob din, mevel braz. Dismagiset eo bet ganin ?

GOD (stard he genou)

Kerzit kuit ! Eet on skuiz ob ober ar peb brasa deuz ho labour er park bag o selvij ahanoh en ti. Ha setu !

MARIA

Arabad ankounac'haad ar penn kenta : eet ob skuiz o weled ahanon plah koant pa 'z oh-c'hwi ken divalo hag eur haz gouez.

GOD

M'ho-peus c'hoant, ya. N'eo ket kalz a dra, kemend-se. Dond a reer da voaza hag a-benn eur bloavez bennag e vefem heñvel awalh on-diou. Skuiz dreistoll da vreva ma horv war eun tamm-douar hag e vioh mestrez warnañ pa n'oh ket mad zoken da ziwall ar zaout.

MARIA

Ar wech-mañ, God, emañ ar gwir ganeoh. Ya, ma flas n'emañ

ket amañ ken. Biskoaz n'em-eus karet an douar ha deut on d'en em zistaga diouzoh. Faziet on bet o chom ken pell ganeoh. Red e vije bet din mond kuit abretoh, med ne felle ket din sevel gwall-vrud, nann, gwall-vrud ebed. Pemp bloaz zo, am-bije digemeret ar medisin-loened. Ma zad n'e-neus ket asantet. Rankoud a ree kaoud eur mestr-peizant braz. Hag an noz-mañ a ro abanon da Loeiz Kerbor. Ne bellan ober tra-all ebed nemed mond kuit. Lezel a ran ganeoh ar Gosker-Vraz ha lezel a ran iveau Loeiz Kerbor, peogwir war e lerh eo e redit.

GOD

Ne redan warlerh den ebed.

MARIA

Hag eur gaou-all! Deut eo, koulskoude, mare ar wirionez etre-zom. Pa oam er skol, bezit soñj, ar skolerez a lavare e oan re speredet, kalz re. Speredeg on atao.

GOD

C'hwi 'ni emañ o klask, Loeiz Kerbor. Hanter-gollet eo e benn gantaf.

MARIA

Bal! Ar Gosker-Vraz a zizoanio anezañ. Gand ar Gosker-Vraz, e helloh prena anezañ digand e dad, gwerza reer ar merbed, dre amañ. Perag ne veze ket greet kemend-all gand ar bôtred?

GOD

Na hortozit ket eur bennoz diganin, Maria. Med rei a rin deoh ho irodenn herez rik. En arhant leal hag heb marhata. E-giz m'emon emon. Onest, avad, da vihanna.

MARIA

Bezit asur ne lezin ket ganeoh eul liard deuz ma danvez. Ezomm braz am-bo deuz an arhant-se evid sanka gwriou nevez en eun tu bennag.

JAKEZ

Marteze e rafeh mad dimezi gand Lan ar Pogam?

MARIA

Sell tal Dizoñjet am oa dioutañ, kasi, ar Jakez Mazo amañ. Koulskoude, araog en em guitaad, ni on-eus da gaozeal iveau, on-dau. Sklêr e vo an traou penn-da-benn, e-giz-se. Ha da genta, evid piou emoh o c'hoari? Evid God pe Lan ar Pogam? N'on ket gouest da houzoud.

JAKEZ

Evid den ebed, Maria.

MARIA

Eo, c'hoari a rit evid unan bennag. Hag eneb d'in-me.

JAKEZ

Nann. Me n'on ken nemed ar mevel braz. Ho tabutou mistri ne zellont ket ouzon.

MARIA

Ar memes respont atao pa vez dièz deoh, neketa : me n'on ken nemed ar mevel braz. Med c'hwi, iveau, a garfe kas abanon d'an diaoul, santet am-eus mad pell-zo. N'ouzon na perag na penaoz, med hataou emoh war an tu-ze. Da weled eo warnoh.

GOD (beh warni)

Poent eo deoh diskenn d'an ti-linenn. An treñ ne zaleo ket, bremañ.

MARIA (dineh kaer)

Setu am-oa divinet dres. Marteze awalh ho-peus renket marhad iveau gand Lan ar Pogam, nann? Aotrou Doue, peseurt nez-kevrid! Ha me ar gelionenn. (C'hoarzin a ra). Med kalz a boan ho-peus kemeret evid netra. Koulz e veze bet deoh lezel an traou da gas. Dre ma fenn ma-unan e vijen eet kuit.

GOD

Marteze, med pezavare?

MARIA

An noz-mañ. Hag anad eo ganin; gweled a rit an troñsad bilhejou-mañ? Kalz muioh ez eus outo egid m'ho-peus roet din, God.

GOD

Deuz a beleh e teu an arhant-se?

MARIA

Deuz armel an tad. Riñset am-eus anezañ ar mintin-mañ e-pad ma oa en overenn c'hweh eur. Ha hennez eo an arhant e-noa miret a-gostez evid pêa ar mevel braz, da ouel Sant-Stevan. Hoh arhant, Jakez Mazo.

GOD (an derzienn warni)

Kollet ho-peus ho koustiañs. Maria! Mond a rit beteg laerez ho tad!

MARIA

Eul laeroñsi eo? Ma labour ne dalvez ket hoh hini, marteze awalh. Med koulskoude, abaoe pemp bloaz bennag, em-eus gonezet ouspenn kemend-mañ.

GOD (klañv)

Hastit buan da vond kuit, bremañ. Ma teu c'hoant d'an tad da zelled en e voest ha ma kav...

MARIA

Setu emoh adarre o krena, God. Gortozit, n'eo ket echu hoaz ganin.

Kleved a reer, a-bell, c'hwitell ar math-du.

GOD (kollet he fenn ganti)

Selaouit ! Emañ an treñ er vourh. Araog deg munud, e vo erru e ti-linenn Plougorn. Kerzit kuit, kerzit!

MARIA

Sioul, sioul, c'hoar gêz ! An ti-linenn a zo e traon ar prajou ha reded buan a ran p'em-eus c'hoant reded. Ne garfen ket chom warlerb an treñ-ze, ouspenn. Med an dra-mañ a rankan lavared hoaz : Maria Gonan ar Gosker n'eo ket eur plah diboell. N'he-deus netra d'ober na gand Lan ar Pogam na gand pôtr-all ebed. Lennet am-eus, em leor-istor, penaoz ar roueed, gwechall, o-doa eur Yannig ar Foll endro dezo. Lan ar Pogam a zo bet evidon eur Yannig ar Foll e-touez re all. Ha m'em-eus kemeret eur Yannig ar Foll, eo gand aon rag ar c'hoant d'en em zistruja. Ma unan-kaer ez an kuit abann, ya, abalamour ma 'z on heuget gand ar vuhez a vevan, netra ken. Heuget ives gand ar re a vev endro din.

JAKEZ

Koulskoude, arabad dalea re. Emañ an treñ o vond da zevel krehenn Lanbrug. Kleved a ran ar math-du o termal.

MARIA

Ganeoh e echuin, Jakez Mazo. P'am-oa triweh vloaz, an tad a gasas abanon e kér e-pad deg Miz da zeski gwriad, war e veno. Ne oa ken, e gwirionez, nemed evid pellaed abanon. Ha gouzoud a rit perag ? Kredet am-oa lavared dezañ e c'hoanteen dimezi ganeoh-c'hwi, e vevel braz. Neuze, e labouren en ho kichen er parkeier hag e oan kalondeg d'al labour, m'ho-peus soñj. Ha c'hoarvezet eo ganin kouenza e gwarizi e-kefiver an oll verhed a dostee ouzoh. Ne veven ken nemed da veza tost ouz Jakez Mazo. Ne oan ket ma-unan. God, amañ, hag a zoouge hoaz lostennig verr, ne oa ket gouest da herzel heb mond war ho lerh er pevar horn. Ganti, n'eo ket eet an traou re bell. Eun dousenn flabadoù digand palv-dorn an tad ha mad pell-zo. Me a zo bet pelloh o parea, kalz pelloh. Gwir eo, sikouret ho-peus abanon, mevel braz, rag me gred din n'ho-peus ket sellet ouzon eur wech nemeden em daoulagad abaoe ma fask kenta.

JAKEZ

Eur mevel braz ne zigouez ket dezañ sevel e zell war merh e vistri.

MARIA

Gouzout a ran. Soñjit, koulksoude, eo erruet kemend tra diwar an dra-ze. Pez on bremañ ha pez am-eus greet beteg an noz-mañ. Med muioh a nerz spered ho-peus egendon. Jakez, rag n'on ket deut gouest da houzoud hoaz petra zo ganeoh en ho penn.

JAKEZ (mouez mouget)

Labourad an douar hag ober war-dro ar hezeg. Se a zo awalh.

MARIA

N'eo ket awalh. Dond a rin da houzoud, eur wech. Bremañ e rankan dieubi God, ma ne fell ket din e kouezfe maro dre forz gedal an treñ. Lavarit d'an tad e skriven dezañ da zisplega kudenn e verh penn-da-benn. N'eo ket eun den fall ha kredi a ra, en e galon, beza eun tad mad. Marteze e-no eun tammig poan, piou oat. Ha kenavo !

Hi er-mêz, buan.

5

GOD

A, emañ-hi kuit, war an diwez !

JAKEZ

Amzer frank he-deus d'erruoud heb mond d'an daoulamm. Bezit dineh, God.

GOD

Noz-du a ra er-mêz. Ne weler ket an hent. Ha m'en em gollfe el lanneg ?

JAKEZ

Gouest e veze da ziskenn d'an ti-linenn gand he daoulagad serret. Hent ar prad eo. Mond a ra di kazimand bemdez.

GOD

Jakez, ar pont-plankenn a dreuz ar sterig, e traon al lanneg, a zeblante din brein awalh, deh, pa 'z on eet dreist.

JAKEZ

Gouzoud a ran. Araog koan, ez on bet o teurel diou vell dreustenn dero warnañ. N'eus ket d'en em jala.

GOD

Mad ho-peus greet. Med ar zeulioù ubel daonet a zo ganti da
zul a zo gouest da dreuzi he zroad, n'int ket ?

JAKEZ

Arabad en em zebri evid netra, God. Ho c'hoar a vale ken brao
war he zeulioù ha ma ran-me gand ma boutou-koad. A-benn bre-
mañ he-deus treizet. Emañ-hi en hent don a gas a-hed ar prad.

GOD

Kredi a ra deoh ?

JAKEZ

Asur on.

Kleved a reet an treñ o c'hwitellad tostoh.

GOD (*tridal a ra*)

Emañ an treñ o herzel en ti-linenn. Ma Doue ta ! Ma bell hi
sevel ebarz e vo justig.

JAKEZ

Nann. Erruet eo.

GOD

He malizzenn a oa re bonner iveau. An eil pe egile ouzom e-nije
dleet mond d'he dougen.

JAKEZ

C'hwi a helle mond d'he ambroug. Me ne hellen ket. Ho tad
e-neus roet urz din da hortoz ar Gerhored.

GOD

N'he-dije ket asantet biskoaz. Selaouit ta ! Distaget e-neus an
treñ e daol-c'hwitell ?

JAKEZ

N'eus ket. Hag ouspenn, savet eo ebarz, pell-zo. Lan ar Pogam
e-neus kemeret he malizzenn diganti. Martez e oa o hortoz anez war
an hent.

GOD

Martez, ya. Al Perag ne 'z a ket kuit, an treñ brein-zel Bez
ez eus kalz tud en ti-linenn, war ho meno ?

JAKEZ

Atao e vez eun hanter-dousenn, d'ar zul da noz, o vond da
zistrei e kér. Ha kemend-all a gerent pe amezeien war ar bê.

GOD

Gwella-ze. Gwelet e vint.
C'hwitell an treñ.

JAKEZ

Ar wech-mañ, emañ-hi kuit.

GOD (*koueza ra war eur gador*)

Erfin ! Ne oan ket gouest da badoud muioh heb sempla war an
douar.

JAKEZ

Mad a rafeh pignad d'ho kambr. Ar Gerhored a vo amañ
bremañ.

GOD

Pignad a ran. Red eo din sioulaad ma zammig kalon. Ar Varia-
ze a oar penaou e uzer an dud.

JAKEZ

Petra hoarvezo bremañ, pa welint ez eo eet hi kuit ?

GOD

Se a zo afer din-me, hiviziken. N'eus nemed lezel an traou da
vond. Prederiet am-eus piz en-araog. A-barz banternoz, Loeiz Ker-
hor a vo ma danvez-pried.

JAKEZ

Ezomm ho-peus ouzon hoaz ?

GOD

Nann. Penn-da-benn eo bet êsob eged na grede din. E gwirionez.
Jakez, p'am-eus promet deoh ouspenn daou zevez-arad douar fraost,
evid ho sikour, ez on faziet. Ne dalvez ket kemend-se.

JAKEZ

Ne heller ket prizia hoaz. N'eo ket echu.

GOD

Ar peurrest a zo din d'ober. Selaouit ta (*he mouez etre daou*).
E-leb rei an douar deoh, me garfe gwelloh pêa deoh e briz arhant.
Eur briz deread, evel just. Ne dalvez ket ker ar fraostenn. Pegemend ?

JAKEZ

N'em-eus goulenet netra diganeoh, God ar Gosker. Ma ne fell
ket deoh derhel d'ho ker, dieub kaer emoh. N'eus paperenn ebed
etrezom.

GOD (huanad laouen)

Paperenn ebed, nann. Ma karfe din, ne rofen netra deoh. Jakez. Med kavoud a rin evidoh, lakom, ugend mil lur ma ne zisklerijt da zen beo ebed pez a zo digouezet, an noz-mañ. Ha marteze, gand deg mil lur...

JAKEZ

Dalbit ho kwenneien ganeoh. O rei ar re-ze din, e kouezfeh klanv fall. N'on ket boazet da gaoud teod re hir.

GOD

Eun den a skiant vad oh. Goude oll, n'em-eus greet netra fall ebed. Klevet ho-peus Maria o lavered : eet eo kuit war he bolonetz he-unan. Lan ar Pogam n'emañ ket e kont. N'eo ket just e koustfe arbant din, an dra-ze.

JAKEZ

Ankounac'heet em-eus pez a zo c'hoarvezet beteg bremañ.

GOD

Eun iskiz a zen ez ob koulskoude, Jakez Mazo. Paour da laza, e komzit e-giz eun aotrou braz. Med perag an diaoul ho-peus en em lakeet deuz ma zu din-me?

JAKEZ

N'emon ket deuz ho tu deoh, God. Na deuz tu Maria pe Lan ar Pogam kennebeud. Ne ran forz ebed ganeoh. Evidon-me, n'eus nemed an douar hag a dalvez.

GOD

Ar gwir a zo gand an dud pa laveront ne gaver ket daou vevel braz e-giztoh er bed.

Ar hi da harzal.

JAKEZ (*tust an tamm outañ*)

Pignit buan. Emañ ar Gerhored er porz.

GOD (*entanet, e-pad ma sav gand ar skalier*)

Ya. Mond a ran da wiska ma dilhad gouel, ar re gaerra, ha gortoz a rin el laez war ar gador. Me a vo ar verb-nevez. Warhoaz, c'hwi a sterno ar gazeg evidon ha ni a yelo da gavoud an noter d'ar vourh.

JAKEZ (*o vousc'hoarzin*)

Ni a yelo da gavoud an noter.

Emañ-hi diwar-wel. Jakez a ya goustad beteg an nor hag he digor braz, dres d'an ampoent ma teu Ban Kerhor koz, e-unan ha nehet.

6

BAN

Bennoz Doue war an ti-mañ.

JAKEZ

Ha war ar re a zeu dreist on treuzou.

BAN

Ha bez emañ ar mestr er gêr ?

JAKEZ

O hortoz ahanob. Mond a ran da gemenn dezañ ez ob deut.

BAN

Selaouit ta. Jakez Mazo ! Gwelet ho-peus ma mab Loeiz ?

JAKEZ

Ya, feiz. Goulenet e-neus diganin alhwetz ma hambr da hortoz.

BAN

Mad tre.

Jakez a ya da zor kambr Yann hag a sko warni gand e zorn settet.

JAKEZ

Mestr ! Ban Kerhor 'ni eo.

7

YANN (*dond a ra et-mêz deuz e gambr*)

Bezit digemeret mad en ti-mañ, Ban Kerhor. Petra emoh o klask war an henchou, d'an eur-mañ? Jakez, hellit mond da gousked.

JAKEZ

Beteg warhoaz, neuze.

Mond a ra et-mêz.

8

YANN

Taolit ho pouez d'azeza. Ban.

BAN

N'on ket skuiz.

YANN

Ne azezer ket da ziskuiza nemedken. N'oh ket deut d'am zi da noz evid chom en ho sav, nann ! E-giz eun tremeniad !

BAN

Da noz ez on deut ablamour emañ ar giz-se ganeom evid pez am-eus da lavared hag a ouzoh mad-tre.

YANN

Ha setu perag e pedan ahano d'azeza. Bez e ranker beza azezet evid distaga komzou a furnez hag a bouez.

BAN

Ne lavarin ket ez eo gaou. Ar homzou a laverer er-zav, an avel o has gantañ (*azeza ra*). Taolet am-eus eur zell war ho tachenou, en deveziou-mañ. Feson vad, war ma meno. Mad e vo an eost, er bloaz a zeu, ma chom an amzer ganeom.

YANN

Ni a zalh eul lodenn-zouar dispar, er Gosker-Vraz. Ha gouzoud a reom tenna ar seiz gwella diouti. Labourerien douar pennkil-ha-troad, setu petra om-ni. Atao ar re wella, an oll hen goar.

BAN

O klask fougasi re, e kaner d'al loar.

YANN

Lezit al loar da vouta. Ar witionez ne blij ket da beb hini, chom a ra gwirionez koulskoude.

BAN

N'ho-peus ket laeret boh ano. Yann an Aotrou. An oll, avad, a laverfe deoh penaoz, er bloaz tremenet, em-eus dastumet deg sahad avalou-douar dre zevez-arad muioh egedoh. Kemend-se a zo gwirivez.

YANN

Bez ez eus avalou-douar hag avalou-douar. Lod a zo mad da voueta ar moh. Trei a reont da zour pa vezont lakeet da boaza. Ma re-mañ a zo diwar gouenn ar re a jom en o fez pa denner anezo er-mêz deuz ar pod-houarn hag a zalh er horv kenkoulz hag eur jel-kenn kig-sal, pe dost.

BAN

Boulhet on-eus a-dreuz, Yann. Deut on d'en em renka ganeoh ha setu emañ c'hwez an trenk gand or homzou kenta. Lezom an tabud.

YANN

Tabutal da genta n'eus miret biskoaz ouz den d'en em renka goude. Plrijoud a rafe deoh tañva ma jistr, Ban ! Avalou ma gwez a zo gwelloh hoaz egred avalou ma douar.

BAN

Peogwir e ranker eva eun dra bennag, koulz eo din eva ho chistr, daoust ma 'z eo re flour evid plrijoud d'am horzailhenn. Netra ne dalvez ar jistr c'hwerda derri ar zehed.

YANN

Kerzit d'an diaoul, gand ho chistr c'hwerda hag a ya d'an trenk. Lakeet e vefe nemedken eur veradenn outañ dindan lost eur hi hag al loen paour a rafe tro ar bed o harzal d'ar maro.

BAN

Gwir eo n'ho-peus nemed diou verh. Ar merhed o-deus korv tener. Kared a reont ar sukr.

YANN

Ma merhed a dalvez kemend hag ho pôtred, Ban Kerhor. Ya, hag er parkeier hoaz. Tenna a reont o devez, dindan heol pe hlaor, koulz hag eur mevel-eosti.

BAN (dre-zindan)

God, ya, ne lavaran ket. Med Maria a zav aliez he hein. War peb digarez, setu emañ-hi kuit d'ober eun dro ba distrei a ra pa gar. 'M-eus aon, ar plah-se n'eo ket douget da jom war ar mês. Eur chañs evidoh m'emañ Jakez Mazo ganeoh evid ober labour daou.

YANN (kounnaret)

Gurun, Ban Kerhor, ha deut oh an moz-mañ d'ober goap ouz ma labour, fae war ma jistr ha dismeganis d'am merh, war an diwez? Pe betra?

BAN (teñval e benn)

Deut on da houllenn ho merh da zimezi gand ma eil mab. Loeiz. Ha n'eo ket a volontez vad, nann, klevit ahanon, Yann an Aotrou.

YANN

Klevet mad am-eus p'ho-peus komzet din, ar mintin-mañ. E oah heñvel ouz eur hi taget gand an droug dent. Med n'oh ket dalhet gand netra na den. Ban. Ma ne blij ket deoh ma merh, lezit anez e ti he zad. Bez 'z eus boued eviti hag an amourouzed ne reont ket diouer endro d'an ti.

BAN

N'emaïnt ket ken stank bag e kred deoh. Kared a ra re an dilhajou kér, ar baoigou bag an diduellou. Konta reer zoken e liv he muzellou e ruz araog mond d'ar parkeier. Kemend-se a ra aon d'ar bôtre yaouank a ouenn vad. Doareou da forani an danvez ha da lakaad an douar e gwerz. Doue ra viro.

YANN

Leiz bo penn ho-peus paket gand komzou droug ar merhed gwariziuz. Maria, e gwirionez, ne zispign ket arhant ablamour n'he-deus ket outañ etre he daouarn. Nemed gouzoud a ra en em ficha brao gand nebeud a dra. N'he-deus ezomm nemed deuz he hened evit sevel dreist ar re-all kemend bag eul lilienn heb-unan e-kreiz ar bleuniou boutin. Eur rann-galon evit tud a zo.

BAN

Ken faro ez oh gand ho merh ha gand ho chistr hag ho merouri.

YANN

Bez e hellan beza faro gand kemend am-eus. Evid Maria, derhel a raio he renk gwelloh egid nikun ha gouzoud poulza he gwaz war-du ar binvidigez bag an enoriou, kerzit atao.

BAN

Me a garfe kredi abanob. Ouspenn-ze, n'on ket gouest d'ober e mod-all. Klañveet eo ma mab ganti. Honnez eo an bini e-neus c'hoant da gaoud, bini all ebed. Ma ne vez ket roet dezañ, e rankor baha anezañ e Kemper, e ti-braz ar re zod. Ya, skeud ar follentez a zo war e dal. Ne fell ket din e vefe saotret e-giz-se ano ar Gerhored. Klaskom eun emgleo, eta, ar henta posUBL.

YANN

Arabad mond re vuau. Petra a zigazfe gantañ da zond amañ, ho mab?

BAN

Sklér eo. Rei a ran ar stal e Lanroz d'ar mab hena, evel ma ouzoh. Prizet e vo gand an noter. Loeiz a resevo dres an hanter deuz he zalvoudegez en arhant.

YANN

Da veza pêet dezañ ar bloavez kenta goude an dimezi.

BAN

Ne hellin ket hen ober, ta! Gwerza a rankfen.

YANN

Neuze, c'hwi a bêo astenn an arhant e feur.

BAN

Ha rei a rafeh ar Gosker-Vraz en he fez da Varia?

YANN

En he fez. Kenaozet eo an traou ganin evid argouraoui ar verb-all heb ranna kér.

BAN

Pêa rin astenn an arhant. Ha pezavare ez eoh war ho level!

YANN

A-benn deg vloaz ahann, ma ne varvan ket araog.

BAN

A-benn deg vloaz! N'eo ket posUBL. Felloud a ra deoh derhel ho mab-kaer da vevel e-pad deg vloaz! A-boan ma 'z on kosoh egedoh hag en em dennan kuit goude an eost.

YANN

Lavaret am-eus: a-benn deg vloaz.

BAN

N'eus netra hreet.

YANN

Neuze e hellit distrei d'ho ti heb dismeganis na mez evid an eil nag egile ouzom. Ne reer ket afer heb taol. neketa!

BAN

Dalhet on ganeoh, Yann an Aotrou. Mad eo. Forz penaoz, ma douar a zo etre daouarn ma mab hena ha fizianis am-eus e vo diwalllet mad gantañ. Ma ra ar pôtr Loeiz eur zotoni, dezañ e vo da bêa. Greet ar marhad.

YANN

Emgleo etrezom, eta. Ar rest a zo d'an noter.

BAN

Lavarit d'ho merh diskenn d'ar zal, mar plij. Me a garfe kaozeal ganti eun disterra.

YANN

E-giz ma karit. Emañ-bi o hortoz en he hambr (pignad a ra

daou zerez ha gelver). Maria! Diskennit! Kompagnenez a zo ganeom. (*Distrei a ra e-kichen Ban*). Hag ho mab. e peleh emañ? Nepell, war ma meno.

BAN

O krena gand an derzienn vraz e kambr ho mevel, ar penn-zod ma'z eo. Klasket e vo bremaig. Lezom anezan da leski.

God a ziskenn gand ar skalier goustad, warni he brava dilhad, eur mousc'hoatz goapaüz war he muzellou.

9

YANN

God? Petra a deuit d'ober amañ, c'hwi? E peleh emañ ho c'hoar?

GOD

Eet eo kuit.

YANN

Eet eo... penaoz?

GOD

Eet eo kuit gand treñ nav eur.

YANN

Kuit?

GOD

Dilezet he-deus abanom, ya. Distaget diouzom, ha setu ! Abaoe keid-all zo e tizebe gand ar mall-ze.

YANN

Ahanta, ahanta ! Kuit da beleh ? Dond a raio endro.

GOD

Piou oar? Eet eo d'eun tu bennag, e kér. Ma hell chom du-hont, ne vo ket gwelet ken he liou dre amañ.

YANN

Ha dres d'an noz m'emañ Ban Kerhor o houllenn anezo evid e vab. A-ratoz he-deus greet an taol.

GOD

Anad eo. Nah a ra ar Gosker-Vraz. Loeiz Kerhor ha ni da heul. Kemeret he-deus an treñ gand Lan ar Pogam. Ha n'eo ket dre guz hoaz. An oll, er vourh, a ouezo warhoaz.

YANN

Gand Lan ar Pogam ! N'eo ket gwir. Ma merh n'eo ket gouest da ziskenn ken izel. C'hwi a zo eun teod fall, God. Biskoaz n'ho-peus karet ho c'hoar. Nann, nann, marteze eo eet da weled an treñ o tremen en ti-linen. An dra-ze eo didu ar zul, amañ. Ya, sklér eo. Lakit deom eur voutailhad gwin siellet war an dôl. Ni a hortoz anezi eun nebeudig, Ban. Dond a raio endro abarz-pell. Araog pemp munud e vo amañ. Ha kerzit da gousked, God. Warhoaz e talvezin deoh ho koaperez.

GOD

En arvar emoh da hortoz anezi beteg devez ar barn. Kaset he-deus ganti pez he-deus gellet sanka en he malizenn.

YANN (*fuloret*)

Perag n'ho-peus lavaret netra din?

GOD

Ha din-me eo da ziwall ma hoar bera? Abaoe pell-zo e c'hoanteen gweled anezo vond kuit. Ha laouen braz ez on ablamour eo tehet gand an diaoul, ho merh muia-karet.

YANN

Bez e rankin kemer ar vaz ganeoh?

GOD

Memes tra. Ar vaz ne gemmo netra nemed liou ma brohenn.

BAN

Arsa, n'em-eus netra ken d'ober en ti-mañ, me kennebeud. Eun taol fall evidoh, Yann an Aotrou, med n'on ket gouest da glemm abanom. A-viskoaz ho-peus en em lakeet ubelloh eged ar re-all, e-giz noblañs an amzer goz. Eun den onest ha barreg, feiz, med ken lorhuz hag eur pavon. Ha setu m'e-neus kollet ar pavon pluñv e lost. Er porz, e-touez ar yer. (*Sktignal a ra.*)

YANN (*mantruz da gleved*)

Warhoaz vintin ez in da gerhad ma merh e kér, Ban. Kollet he-deus he fenn .Awechou e c'hoarvez, kea. Med netra zroug n'he-deus greet, c'hwi welo. Loeiz Kerhor a gompreno mad-tre.

BAN (*krenn*)

An eneb eo. Spi am-eus e vo pareet deuz e gleñved amourousted pa ouezo penaoz e zousig koant he-deus kuiteet en noz ti he zad evid tehoued e kér gand eur pôtr didalvez ha n'e-neus ket zoken prometet ar

walenn dezi. A-benn bremañ emaint o-daou en eur gambr ostaliri. A, ne oa ket faziet an dud war gont ho merh. Abred pe ziwezad, e oa tonket dezi trei da goll. Dre bras Doue, erruet eo an darvoud araog m'he-deus douget an ano a Gerhor.

YANN (*fuloret adarre*)

Serrit ho kenou, Ban, pe me a stlepo ahanoh er-mêz a daoliou boutou.

BAN

An dra-ze ne gemmo netra, e-giz ma lavare God. Bremañ ho-peus brevet ahanon gand pouez ho prasoni, e oah mennet da sklavaad ma mab dindannoh e-pad deg vloaz evid prena diganeoh an enor da veza digemeret en ho famih. Bremañ, ho-peus paket ho pegemend. Diskennet oh d'ar bazenn izella.

YANN

M'ho-peus c'hoant diwall hoh eskern, Ban, gwelloh e vefe deoh lakaad an nor etrezom on-daou, ne lavarin ket eur wech muioh.

BAN

N'eo ket êz deski dont izel a galon, hañ! En em voaza a rankoh, koulskoude, den paour. Kenavo !

GOD

Chomit ta, Ban Kerhor, hag azezit ouz tôl. Perag kounnari, ho-taou? Talvezoud a ra ar boan kaoud hoh oad ha beza ken difurnez! Ablamour ez eus eet eur verh deuz ar Gosker d'an diaoul, setu kollet ganeoh ho skiant vad. Azezit ta, Ban.

BAN

Ne azezin ket. Awalh am-eus klevet hag eur grïk muioh n'am-eus ket da ranna en ti-mañ.

GOD

Selaouit, koulskoude. N'eus ket, er vro-mañ, eur verouri-all hag a dalvez ar Gosker-Vraz, eun tamm douar ken pinvidig ha labouret ken kaer. Daou hant devez-arad dindan an heol, heb dalh ebed. Ha gwir eo ?

BAN

Gwir eo.

GOD

Kalz arbant e ti an noter a zo iverz hag eur voest dir war on ano en eun ti-bank, e kér. Ma karfeh gouzoud dres pez a zo ebarz, e hellfe beza diskouezet deoh.

BAN

An oll draou-ze ne dalvezont netra ken. Maria ar Gosker he-deus kollet he brud vad. Ha m'ho-pefe kemend a luriou aour hag a zahadou gwiniz, ma mab ne roio ket e ano d'eur vaouez saotret.

GOD

Da Varia, nann. Med din-me ?

BAN

Penaoz ? Deoh ?

GOD

O ya, gouzoud à ran. Ouzon-me ne vez dalhet kont ebed gand den. Med beo emon amañ. Ma hoar he-deus dilezet he gwiriou henanded. Ganin-me e tigouezo ar Gosker-Vraz, neketa, ma zad? Ha me, ar bennherez, me a houllenn diganeoh Loeiz Kerhor da bried.

YANN (*abafet*)

God...

GOD

Lezit ahanon da gas ar gaoz e-pad eun eurig.

BAN

Doue a wel ahanon, God. Gwelloh am-bije kavet ho kaoud da verh-kaer eged ar Varia-ze. C'hwi a zo plah a ouenn-vad hag a zoare direbech. Ma ne vije ket bet dallet Loeiz gand ho c'hoar... Re ziwezad eo, paour kér.

GOD

Re ziwezad evid petra ?

BAN

Ho c'hoar 'ni eo he-deus dilezet an hent eeun, ne lavaran ket. Med ar fazi a denn ar vez warnoh iverz. Anaoud a rit an dud. Nann. Gant gwella bolonbez ar bed, n'eus kerentiez posubl ebed etrezom. Ha droug-kalon am-eus. Ne gavin ket evid ma mab gwelloh gwreg egodoh na gwelloh leh eged ar Gosker-Vraz.

GOD

Lakom e tevio Loeiz Kerhor amañ da vestr nemetañ kerkent ha bremañ, hag e roio dezañ ma zad an traou da gas a-benn an eost kenta.

YANN

Penaoz e kred homañ... Me a ziverro deoh ho fri. Ne roin ar Gosker-Vraz da zen ebed araog an eur a blijo ganin.

GOD

Ha pa zeuio an eur-ze, n'en em gavo den ebed da gemer ar Gosker-Vraz. Hag e kouezo, tamm-ha-tamm, etre daouarn estren. An amezeien a vo o hedal dre ma vezob o vond war ziskar, evid kreski o danvez gand ho tismantrou. Marteze e karfeh gweled abanon o tastum eun den-a-netra war an hent braz da rei din bugale ha da ziwall ma douar? Netra. Me fell din kaoud eur gwaz deuz ma renk. O veza dinerz e-keñver Maria, ho-peus lakeet ar Gosker-Vras en arvar. Deob da bêa priz an daspren, tad. Peotramant ez in kuit, e-giz eben, hag e lezin abanoh da hortoz ar maro en ho neiz dizehet. Sellit outañ Ban Kerhor, ne gav netra da respont din.

BAN

Tro a vefe kavet marteze d'en em renka, God. Dre brederia mad, greüz eo. Med dièz e vo klevet an dud o kuzulikad, a-dreñv ho kein, diwar-goust ar Varia-ze hag a vo c'hoar-gaer Loeiz, forz penaoz. Da genta-penn, ra ne lako ket eun troad er barrez-mañ birviken ken.

GOD

Ni a daollo evez.

BAN

Ar gwella tra eviti a vefe mond da Bariz. Kemend a dud a zo du-ze m'en em gollo ken brao hag er mor.

GOD

Mond a raio.

BAN

Eur bannig deuz ho chistr ez afe ganin, Yann ar Gosker.

GOD

Azezit, Ban. An tad a vo ali ganeom. Pa vo diazezet an droug ennañ eun disterra, e welo mad ne hell ket ober tra-all. Arsa ta, asanti a raio gwerza deoh ar fraostenn vraz a zo a-dreñv penn-ti Jakez Mazo, c'hwi oar. Honnez a zo dres war lêzenn on diou verouri. Gouzoud a ran e vefeh laouen o lakaad sevel eno eun ti evid ho kozni.

BAN

Kaozeal a rin da Loeiz. Hardiz ! Re ar Gosker ha re Lanroz asamblez a vo kreñv awall da vouga trouz an teodou fall. Skarzit deom eur banne da eva, ma merh... War ma meno...

Eur biz a sko diou wech ouz ar prenestre. Prestig goude, an nor a zigor hag ar mevel braz en em ziskouez war an treuzou, difiñv, e zremm dislivet.

10**GOD**

N'oh ket eet da gousked, Jakez? Med sellit outañ, Ban Kerhor. Hennez a zo klañv, 'm-eus aon.

JAKEZ

Eur gwalleur a zo kouezet warnom, gwasoh eged ar bleñved.

GOD

Peseurt gwalleur ? Peleh ?

JAKEZ

En ti-linenn. Lan ar Pogam a zo bet lazet a daoliou kontell.

BAN (o krena)

N'eo ket ma mab, Jakez ? Lavarit din n'eo ket Loeiz. Emañ o hortoz abanon en ho kambr.

JAKEZ

Alas, eñ 'ni eo, Ban, Doue d'e bardono. Pa 'z on pignet d'am bambr, ne oa ket enni ken. Me zoñj din e-neus gwelet Maria o tis-kenn d'an ti-linenn. Eet eo war he lerh. Ha du-hont e-neus kavet Lan. Neuze... Abaoe pell-zo e oa taget a warizi.

GOD

N'eo ket posUBL. Dihunit, Jakez Mazo, emoh kousket en ho sav. Piou a gredo ez eo gouest Loeiz Kerhor da laza unan bennag ! N'eus ket kuñvoh den egetañ.

BAN (teñval)

Lezit anezañ, God. Gwir e lavarit ho-taou. Loeiz a zo eun den dizroug. N'eo ket gwalhet a spered, e-giz ma komzer, med awall e-noa beteg-henn evid ober e labour e-leh ma oa lakeet ha derhel eur vuhez eun heb noazoud ouz an nesa. Med eur blanedenn fall a zo warñañ abaoe m'eo bet gwall baket gand... an diaoulez-se. War eun taol, e-neus kavet an droug hag an drubarderez dirazañ. Goulaouenn zister e spered a zo maro ha n'eus chomet outañ nemed al loen gouez. Ha setu. E peleh emañ, Jakez ?

JAKEZ

Kaset eo bet en eur zal, en ti-kêr. An daou archer a ziwall an nor.

BAN

Doue bardono d'ar re zinamm. Ne 'z in ket d'e weled. Ne welin

ket anezañ birviken mui. Skuilhet e-neus ar vez war e gerentiez ha koulskoude pouez e dorfed ne gouezo ket warnañ. Skoet om bet e-kreiz or brasoni ha marteze ez eo reiz awalh. Hag ar paour-kêz Lan ar Pogam, petra eo deut da veza ?

JAKEZ

Emer o kas anezañ d'an ospital. Med, hervez ar medisin, e vo maro arrououd.

BAN

Eun dle overennou am-bo evid repozvan e ene. Hennez iveauz a zo kouezet dindan eur blanedenn fall. Abanta, distrei a ran d'am zi ha ne zeuin ket ken er-mêz. Ma glahar a zalbo din kompongunez awalh. Bremañ em-eus truez ouzoh, Yann ar Gosker, rag ar gwasa dizener a vo evidoh: Lan ar Pogam e park ar re varo, Loeiz Kerhor e ti ar re zod, an dud ne baouezint ket da deurel malloz warnoh ha mein war ho merh daonet. Birviken ne gavoh mab-kaer ebed da zond d'ar Gosker-Vraz. Evelse bezet greet !

Mond a ra er-mêz, war-bouezig, skuizet beteg
at maro.

11

GOD (hanter-vouget he mouez)

Ha Maria ?

JAKEZ

N'ouzer ket. Den n'e-neus gwelet ho c'hoar. Kalz tud a oa war ar bâ. An treñ ne oa ket aze hoaz, Lan ar Pogam a hortoz e-touez ar re-all g'eo kouezet Loeiz Kerhor warnañ ha Loeiz e-neus skoet anezañ gand e gontell dirag an oll. Ha gopadeg ha cholori ! Loeiz a zo bet paket heb dezafî ober van d'en em zivenn pe da dehoued. Stardet d'ar vourzh da glask an archerien hag ar medisin. Lan a oa astennet en e wad ha ne oa gouest nemed da glemm ar homzou-mañ; « ablamour da Varia, da Varia ar Gosker-Vraz ». N'eo ket bet gwelet liou Maria, avad. P'eo erruet an treñ, marteze eo savet-hi dre guz ebarz.

GOD

Or gwalleur he-deus greet penn-da-benn, tad. Hiviziken, er barrez, e vim lakeet izellob egred ar chas. Kemend-all a labour hag a hwezen abaoe e oe difraostet ar henta lanneg gand ar henta Konan dirag e di-soul ! Piou a gredfe lavared on-eus gonezel ar binijenn-ze ? Ha penaoz ober evid savetei tra pe dra ? Abanta, c'hwi ar mestr !

YANN (o tihuna)

Netra. Warhoaz e tilezin ma harg a vîr etre daouarn ar guzulierien hag e klozoh dor ar Gosker. Den ganet ne daolo ken e dreid en ti-mañ. Da Jakez e vo roet pez a oa dleet dezañ. Hag iveauz, feiz, rei a ran deoh ar fraostenn a-dreñv ho ti, Jakez Mazo. C'hwi d'an nebeuta, n'ho-po ket droug ouzon, nag ho tad er Baradoz. Lazit ar goulou, God, ha kerzit da gousked.

GOD

Med penaoy e vo greet, gand an oll zouarou hadet, heb den ebéd d'on sikour ? Marteze e hellifer digas devezourien deuz eul leh-all bennag ?

YANN

Nann. Gwerza ne rin ket kennebeud. Al lann hag an drez hag al louzeier fall, setu ! Ar Gosker-Vraz a gouezo e brouskoad ha fraost. Peb tra deuz on traou-ni a vo diverket, peb tra, beteg roudou ar Gonaned er bed-mañ.

GOD

Med...

JAKEZ

Lezit abanon da gaozel gantañ, God. Mestr, ar hendaë-mañ, em-eus goulenet diganeoh unan deuz ho merhed da zimezi. An noz-mañ, goude ar pez a zo erruet warnom, marteze e hellfen kaoud God ?

YANN

Nann. Ar hendaë-mañ em-eus lavaret nann ablamour ne oah ket war ma renk. An noz-mañ, e lavaran nann adarre ablamour ez oh ubelloh egred, hiviziken, dirag an dud. (O kounnari.) Ha ne fell ket din ho-pefe truez ouzin, klevit mad ! Birviken !

JAKEZ (war e blén)

N'emon ket gand an druez. Kemend ha m'êm-eus lavaret a adlavar : Ar Vazoed a zo mevelien er Gosker abaoe an amzer ma teuas ar henta Konan da vestr amañ. Skuilhet on-neus muioù a c'hwezenn egred war ho touar. Ma n'emañ ket an douar-ze war on an, eul lodenn d'an nebeuta on-eus ennañ. Hirio em-eus goulenet diganeoh anzav al lodenn-ze en eur zigemer abanon en ho familh. Roet ho-peus din da bouzoud ez eus sez kant kammed etre ar mestr hag ar mevel. Mad. An noz-mañ, ez eus kaoz ganeoh da lezel ar Gosker-Vraz gand al lann hag an drez. Me, avad, ne asantin ket e veze diverket labour ar Vazoed. Eur wech hoaz e kinnigan deoh ma an mevel, eun an gwenn-kann ha n'eo ket bet biskoaz war deod an dud. Me n'on netra hebdoù ha c'hwi a gollo peb tra hebdom. Petra zoñjat, God ?

GOD

Evidon-me eo mad, Jakez. Trugarez deoh.

YANN (*fuloret*)

Malloz ruz ! Ankounac'haad a rit ez on-me ar mestr ? Pezavare e paouezo ar plah-mañ da gaozeal araog he zad ? Eur wech hoaz, Jakez, e respondan nann. Me a ra ar pez a garan gand ar pez a zo din.

JAKEZ

Marteze ho-peus spi da gavoud hoaz eur mab merour evid God ? Poent eo deoh kemer baz ar Boudedeo, Yann an Aotrou, ha mond war glask.

YANN

N'am-eus spi ebed. Divizet am-eus ez aio ar Gosker-Vraz d'an drez ha se a hoarvezo. Peogwir on-neus kollet or brud, koulz eo deom koll ar Gosker da-heul. Echu eo ganin. Groñs.

JAKEZ

Na pegen kaled ho penn ! Hag ar bleñved brasconi atao. N'anavezit ket abanon, avad. Araog eur bloaz, ma 'z on mab-kaer er Gosker, am-bo mouget teodou ar henauoeien ha gwasa-ze evid piou benag a gredo teurel eur gomz a-dreuz diwar-benn ar re-mañ. Abenn deg vloaz am-bo ho kouriz mîr endro d'am dargreiz.

YANN (*hanter-gonezet*)

N'emon ket ma-unan gand ar vrasoni, ma klevan mad. Ha c'hwi n'ob braz nemed gand bo komzou. Med, paour-kêz diaoul, ha pa zimezfeh da verh ar mestr, atao e vezoh ar mevel braz evito. Ha red e vo deoh digas anezo d'ankounac'haad an dra-ze araog ma teuint d'ankounac'haad an darvoud digouezet dre berz Maria. Daou veh war ho tiskoz. Nann, n'eo ket posUBL. Ma roan deoh ma merh, ar Gosker-Vraz n'adkave ket he stad evid kennebeud ha me a varvo gand ar heuz da veza ma-unan izeleet ma gouenn. Kentoh mond da netra. Ne vo ket lavaret e-neus stouer e géin Yann an Aotrou.

E-pad m'emañ o komz, Maria a zo deut en ti war he fouez, he malizenn a-istrabilh ouz he dorn, he mantell war he breh. N'eo ket bet gwelet gand an tri-all.

12

MARIA (*sklér*)

Kaozeet mad ho-peus, tad. Paket e-neus e begemend diganeoh.

GOD

Maria !

YANN (*mouez sklaset*)

Piou eo ar vaouez-mañ, hag a red an henhou en noz ! Moarvad eur hast a zizurz. Ma 'z eo eur glaskerez-vara, ra vezoz aluzennet ha ra yelo da gousked war foenn ar harr-di !

MARIA

Kendalbit da brezeg, Yann an Aotrou. N'on ket deut amañ da geuzi na da hoari ar verh foranez. Med perag e sammfen war ma hein tamall ar pez a zo erruet ! Merh majorez, dilezet am-eus ti ma zad evid mond da glask beva eur vuhez onest eleh ma kar din beza. Tra-all ebed ! Hogen, setu m'ez eus bremañ eun den maro hag eun all ne zispego ar varnerien dioutañ nemed evid kas anezañ da di ar re-zod. Nann. Red eo deoh gousoud n'ez on ket eur plah a zizurz. eur plah d'ober laza pôtrede yaoank evid pris eur zell deuz he daoulagad. Eun torfed a zo bet greet, hirio, hag an torfetour a zo amañ en on-touez. Jakez Mazo eo e ano.

GOD

Peoh, ha baleit er-mêz ahann ! Petra zeu d'ober ano Jakez Mazo en ho kenou ? Goap ho-peus greet ouz Lan ar Pogam ha ma n'ho-peus ket lakeet ar gontell etre daouarn Loeiz, ablamoar deoh eo e-neus skoet mab Lantoz. Ha setu m'emooh deut amañ da deurel n'ouzer peseurt tamall war Jakez evid tenna diganeom an den nemetañ e-neus kalon awalh da gemer e lodenn deuz gwalleuriou ar Gosker-Vraz. Morse n'ez eus bet gwelet nikun ken pennet da zistruja. Krouet oh bet deuz tan an ivern, moarvad.

YANN

Lezit ar vaouez-se da gonta he haoz, God. Ra zisplego ar gudenn penn-da-benn.

JAKEZ

Ya, lezit Maria da gaozeal. Nebeutoh am-bo da lavared araog tenna ma zreid ganin.

MARIA

Pa oan o tostaad deuz an ti-linenn, em-eus klevet gopadeg ha kompenet buan awalh pez a oa c'hoarvezet. Neuze, ez on eet da guzad er foz ablamoar ne dalvezet ket kaer din en em ziskouez war ar mare. Eul lodenn deuz an dud a oa bodet stank endro da gory Lan ar Pogam, eul lodenn all a zalhe ar paour-kêz Loeiz, o chortoz an archerien. An trefi a zo erruet, harzet hag eet kuit adarre.

Ne ouien ket re petra ober. Eur vunutenn bennag goude, em-eus klevet reded er wenojenn hag ez ob deut war wel en noz. Jakez Mazo, diou gammmed pelloh. Sellet ho-peus ouz an arvest dirazoh, ho taouarn war ho tioulez, ha mous'hoarzet aroag tostaad. Neuze eo deut ar gudenn da zireustla evidon. E oan o klask gouzoud hag-hen e c'hoarieh war-du Lan ar Pogam pe war-du God. Evidoh e kaseh an traou endro, evidoh hoh-unan. E oah o klask teurle ho taouarn war ar Gosker-Vraz. Ne oa ket gwall-zîez hen ober : da genta, mond a-du gand an eil verh evid pouulta an hini hena da vond kuit, o lezel ha gwiriou war he lerh. Ha goude, kavoud eun dro bennag evid distrei peb danvez-pried diouz God. Loeiz Kerhor aroag ar re-all, ar paour-kêz penn-divalo-ze. Roet ho-peus dezañ da gredi e tehen gand Lan ar Pogam d'an treñ nav eur hag ar warizi he-deus skoulmet an taol. Daoust ha n'emañ ket aze ar wirionez? Pa 'z on deut tre en ti, e oah o terhel komzou eur Zalver, fals-abostol ma 'z oh, oh ober ho koullenn dimezi e-kreiz an trubuilh, o soñjal e oa deut ar mare mad da zastum an eost. Med gand ho taouarn goullo ez eoh kuit, m'hen asur deoh.

YANN

Ha gwir eo, Jakez? Arabad deoh kuzad ouzin an disterra tra.

JAKEZ

Eun doare gwirionez eo, mestr. God he-deus c'hoanteet kas Maria kuit abann evid dimezi gand Loeiz, pa ne zelle hemaañ nemed ouz Maria. Lan a veze bet dimezet gand Maria ablamour d'he arbant. Maria ne gare na Lan na Loeiz med, gwasoh boaz, gwasa tra, ne gare ket ar Gosker-Vraz. Setu perag, da genta-penn, ez on eet eneb dezi gand an tri-all. Da houde, Lan ar Pogam a zo maro ablamour ne glaske nemed arbant an argourou. Ra 'z afe da goll kenkoulz hag en kemend hini a zo hefvel outañ! Loeiz Kerhor e-neus kollet e benn mad ablamour eo bet gonezet gand follentez an den Samson en Testament koz, ha tonket e oa dezañ. God he-defe gellet gonid ar maout ablamour e stourme evid ar Gosker-Vraz, med darbet eo bet dezi mond a-dreuz gand he bent peogwir e c'hoantee kaoud Loeiz Kerhor en he gwele. Talvezet ez eo bet da beb hini hervez e venoz. Mad. Evidon-me, sellet am-eus outo o vond d'an daoulamm ruz da geja gand o flanedenn. Eun taol-dorn am-eus roet dezo, ya, eun taol-dorn zoken evid mond a-benn ganti, mevel braz ma 'z on ha boazet da zelvij e vistri, kea.

MARIA

Anzavit dreistoll e felle deoh teurle ho krabanou war ar Gosker-Vraz. O selvij ho mad hoh-unan e oah, êlig Doue!

84 —

JAKEZ (stard)

Anzav a ran em-eus greet peb tra evid tenna ar Gosker-Vraz digand ar re ne zellezent ket he haoud. Embann a ran frêz penaoz, en ti-mañ hag er barrez-mañ, ne oa nemedon gouest da veza penn-tieg ar Gosker-Vraz goude ar mestr a zo amañ. Awalh ho-peus klevet? Ma 'z on eet te bell ganti, c'hwez an douar a zo da damall, marteze. C'hwez an douar a lard ar mestr hag a zizeh ar mevel, c'hwez an douar a ra c'hoant staota d'an hini zo perhenn warnañ, hervez al lavar koz, med n'eo mad nemed da vadaoui an hini a labour anezzañ evid eun all. Ha me a oa badaouet abaoe keid-all amzer! Yann an Aotrou, roit din ma hont, ma 'z in da foeta an henchou, peogwir n'am-bo birviken tamm douar ebed.

MARIA (krial a ra)

Eom kuit on-daou, Jakez, pell ahann! Me a gerzo war ho lerh e peb tu ma karo deoh mond. Ho matez e vin.

GOD

Dislonket ho-peus ar wirionez, Maria. N'ob ket distroet amaañ da vezekaad Jakez, med da glask samma anezzañ ganeoh, eur wech muioh. Biskoaz, marteze, n'ho-peus bet menoz da vond kuit evid mad. N'ho-peus ket ehanet da vaga karantez e-keñver ar mevel braz abaoe oh deut en oad da zelled ouz eur pôtr.

MARIA (trefuet)

N'ouzon ket, God, n'ouzon netra ken. Awechou, pa valeen war e lerh er parkeier, e pege ar c'hoant ennon da derri dezañ e benn gand ar varr. Hag awechou ez on savet e-kreiz an noz evid mond d'e zihuna d'e gambr a-uz d'at marchosi. Dirag e zor, avad, en em lakeen da grena hag e teuen endro d'am gwele gand ma horv bero.

JAKEZ (disant)

Tavit, ho-tiou. Dizale e adkavoh ar peoh. A zouar em-eus bet naon ha sehed, a vaouez biskoaz. Kas a ran ganin ma naon ha ma zehed. Kontit ma arbant din, mestr, ha buan!

MARIA (tenna ra eun troñsad bilhejou da deurel war an dôl)

Emañ aze, hoh arbant! Dres ar gont a zleer deoh.

YANN

Furchet ho-peus em armel?

— 85

MARIA

Furchet am-eus en hoh armel.

YANN

Pardonit, mevel braz. Pell eo bet ma daoulagad o tigeri. Ha dre ma oan dall, ar gwalleur a zo kouezet war an ti-mañ. C'hwi n'oh ket eun den e-giz ar re-all, din e oa hen gouzoud. Heb ger na van, abae bloaveziou, ez oh deut da vestr er Gosker-Vraz. Bremañ e welan sklér. O hourhemenn deoh, ouz eur gwel, e senten ouzoh e gwirionez. Spered ma merh Maria a oa dedennet oll war bo tu. Ha marteze hini ma merh God iveau, pa zoñjer mad.

GOD (trefuet)

Marteze. O, ma Doue, marteze awalh.

YANN

Hirio, ez oh eet beteg lakaad eun torfed da zigouezoud evid beza mestr e gwir hag ano. Gouzoud a ran, lez-varn ar dudachou ne gavo tamall ebed en ho keñver. Hag ouspenn, ken kabluz ha c'hwi ez on-me, ma ranker klask. Ne oa kaoz ganin nemed deuz ma renk, ne zoñjen nemed e brazted ma familh, hag e oah dija mestr war ma familh, hag am-oa kollet dija ma renk en ho kerz. Pardonit!

JAKEZ

Se a zo komzou goulo.

YANN

Komzou-all a lavarin bremañ hag a vo pouezuz awalh. Goude pez a zo erruet, e ranker divenn dirag an dud ar Gosker-Vraz ha ni oll da heul. Youhet ho-peus din bremäig e oah gouest d'hen ober ba n'em-eus ket bet fizianñ ennoh. Fizianñ am-eus bremañ. Gouest oh d'ober kemend-se ha kalz traou-all muioh hoaz. N'eus amañ ken na mestr na mevel. Rei a ran deoh ar Gosker-Vraz, diouztu, gand unan deuz ma merbed. Dibabit an hini a blij deoh.

JAKEZ (azeza ra, fromet)

Ar Gosker-Vraz! An hini a blij din! Mestr, kleved mad a rit petra emoh o lavared?

YANN

N'anvit ket abanon mestr, hiviziken. Ar mestr eo c'hwi, adaleg ar mare-mañ.

JAKEZ

Digarezit. Setu amañ peget an derzienn ennon. N'ouzon ket pethini kemer. Ar Gosker-Vraz, se a zo an douar dindan an heol, a zo iveau ni or pevar asamblez. P'am-bo dibabet eur verb, e ranskim douga kañv d'an eil pe d'eben.

YANN

Kañv a vo douget.

(Peoh. Diéz dezo).

MARIA (war eun taol)

Kemerit anezañ, God. Re galed eo ar vuhez, ha me ar wanna. Ne hellin ket herzel dirag an deiz. warhoaz.

GOD

Jakez?

JAKEZ

Kemer a ran abanoh, God. Gwelloc'h mestrez e vioh er Gosker eged ho c'hoar, d'am meno. Selaouit, koulskoude. Ganin-me iveau, eo bet digouezet huñvreal a garantez evid eur plab, kleved a rit petra lavaran. Dremm Maria 'ni a zave beb tro dirazon.

MARIA

Bennoz deoh, Jakez. Anzavet ho-peus, war an diwez. N'em-eus netra ken da hoantaad en ti-mañ. Bet am-eus ma lodenn deuz ar Gosker-Vraz. Warhoaz vintin, e vo warnohadarre ho tremm pemdezieg, ne hellit ket kemma. C'hvez an douar eo ezañs ho Paradoz. God en em gavo mad ganeoh. Me ne hellifen ket beza euruz, dre ma houllennan re. An noz-mañ, an nor a zero war an amzer dremenet. Klask a rin aoz a hebdo eun amzer da zond evidon, Noz vad.

GOD

Pignat a ran ganeoh, Maria.

MARIA

Gwelloc'h e kavfen ma 'z afekh da gousked er gambr vihan, kichen an ti-lêz. Homañ eo ma noz diweza er Gosker, ha dispartiet om dija.

GOD

E-giz ma karoh.

JAKEZ

Warhoaz e sternin da eiz eur. Or pevar ez aim da gavoud an
noter. C'hwi a zeuio iveau, Maria.

MARIA (*war derez ar skalier*)

Ya, mestr.

— L I E N —

*Kemper, gwengolo-kerzu 1954,
Maisons-Laffitte, meurz 1959.*

